

欽欽新書八

情理之恕三義子毆父親子救難實曰被踢

情理之恕四謂父行淫其子雪恥實曰被打

情理之恕五謂母行淫其子雪恥實曰被陽

情理之恕六妻有淫行夫殺奸夫實曰被打

情理之恕七嫂有淫行叔殺奸夫實曰被打

情理之恕八室女被誣自殺奸婆實曰被刺

義氣之赦一兄不庇弟隣以義殺實曰被踢

義氣之赦二老而奸幼隣以醉殺實曰被打

公私之判一營裨討騎驛平致斃實曰被打

公私之判二地保催科村配致斃實曰被打

公私之判三

地保差役逃卒受笞

實曰被打

公私之判四

地保徵布悍賁投繯

實曰自縊

第二十四卷

群刑追議十二

彛倫之殘一

聽諛殺子誣人手刺

實曰被刺

彛倫之殘二

移怒殺孩誣人足踏

實曰被撲

彛倫之殘三

室女潛奸胞兄置刺

實曰被刺

彛倫之殘四

嫁妹被遣胞兄推溺

實曰被溺

彛倫之殘五

淫姑殺婦計在滅口

實曰被刺

彛倫之殘六

官婢殺夫罪異結髮

實曰被刺

公孫之氏六

公孫之氏五

公孫之氏四

公孫之氏三

公孫之氏二

公孫之氏一

公孫之氏

公孫之氏

公孫之氏三

欽欽新書卷之二十二

冽水 丁鏞輯

祥刑追議十

復雪之原一

讎不償命私自屠腸
根由義憤實因被刺

康津民尹恒殺尹彥緒初檢狀曰今月初三日都將

金夢龍奔告曰即者官門外有一民肩荷赤物纏繞如

帶北向跪坐問之則曰狗腸更問之則曰讎人之腸如是

是乎招而問之則曰亡父尹德奎為門孽尹彥緒所殺

故刺殺彥緒帶腸而來節屍帳曰食氣噪至左耳垂下

刃刺處橫長五寸潤八分穴深一寸二分皮破肉透肚

腹刃刺處圓圍一尺七寸濶五寸八分皮破肉透五臟
逆湧半出半八曲曲相結無路尺量而正犯所割出肩
荷之小腸為二十九尺二寸

乾隆戊申正月初三日

初檢跋詞曰食氣噤肚腹俱是要害致命之傷恣意亂
刺橫濶浩大五臟逆湧所見極慘實目

段

以被刺致死

懸錄

為手

尹恒以為其父德奎被打於門孽恭緒及彦

緒忿恚成疾竟至致命故必欲復讎以至於此

是如為手乃

以德奎檢案觀之身上初無可執之痕且其致死乃在
於三十八日則大小辜限已過故只以庶孽凌嫡之罪

四次嚴訊

是乎

前後檢報既無打殺之案今番供辭並

舉世嫵之說則復讎之言終欠明白不分喻論以律文其父

與人鬪而被咬腐傷致死於六十日後其子女與婦擅

殺讎人者依大明律婦女折跌肢體加限十二日例其

子只用擅殺本律婦女分揀是如為德奎之手指皮脫

圍不過六分而初無腐傷之痕腎囊雖云浮高而兩外

既全辜限已過恐不可以殺獄論是遣且尹恒所謂其

父之寄書者不過曰被打而已若是其父生時之筆何

不直告今始現納乎原情定罪或近疑輕之科具案據

法焉追殺人之律正犯段以尹恒執定初檢官康津縣監成種仁

緒按此時恒之兄忱庶叔父德來擁執彥○評曰剝腹

出腸斷以荷之者僅曰被刺致死可乎法文有據宜云
被割若凡金刃所傷通稱被刺則斧斫釵創亦將一例
乎○議曰鄉村陋生身作大變其八官庭安能善言其
父之所以死實目擢莖而手指之皮世嫌之惡念恚之
疾嫡孽之分蕪言雜說交陳亂控法官又偏採其蕪雜
以自明其不成獄之本意而最緊要腎囊浮高之說輕
輕尾附亦可謂不公平矣折跌肢體猶加限二十日則
腎囊所重豈惟四肢百體而止哉兩邪之全又奚足德
色於諸孤哉

覆檢跋詞曰大典通編有曰其父被人毆打傷重而其

子毆打其人致死者減死定配又曰其父被殺成獄不待究覆擅殺讎人者減死定配而德奎之初覆檢案既無一半分可據之證則尹恒亮慘之舉自歸於浪殺人命施以當律在法難逭

覆檢官長興府使尹守默

巡營題辭曰復讎之說既出於囚供其所為讎不可不究詰

是如

恒之父德奎與恭緒妾緒等嫡孽相凌素有

門內之嫌年夕相爭終致倉庭之鬪而其後三十八日遭疾致死行檢之時遍問諸證未見被殺之狀渾身上無一痕損之著雖以尹恒必報之心亦無他辭則其父被打孰見而孰知之

是旅

渠亦指何處而謂之致命之

因乎拇指曲傷本非要害腎囊彭脹亦非傷痕倘使腎
囊被抽致此彭脹則必不免當下致命何能至三十八
日乙死乙後七日始乃行檢陰囊浮大乃是暑月之變
動何可以此謂之被殺乎况乙恭緒兄也乙彥緒弟也藉
令成獄揆以坐長之義恭緒宜為正犯彥緒不過隨從
乙是去捨正犯而殺隨從又何故也復讎大義何可不
分其首從乎無傷處過辜限之獄不得施公法渠亦自
知則今此行兇直不過逞其宿憾而託以復讎也自其
祖有嫌何足為殺人之公案藉其父遺書亦何為當讎
之明證乎彥緒既非殺德奎之人而德奎之子乃殺彥

緒何可以其復讎之說為一分原恕之端乎尹恒之如法

償命無容更議全羅道觀察使沈○評曰腎囊彭脹大

如瓠瓜屍帳而謂無痕損恐不可也本非速死之傷而

疑其久延亦不可也唯不殺泰緒乃殺彥緒其報仇不

精宜其病之也

刑曹啓曰童女尹任賢擊錘爰情內女矣身即故監司

尹復之七代孫也以十七歲未笄之女兒遭窮天極地

之痛是白女矣父德奎去年三月被打於門辱泰緒彥

緒兄弟三十八日而身死是白檢官謂以傷痕之不分

明告官之不趁時漫漶報訖終不成獄故亡祖父不勝

憤痛絕食三日而自盡亡母亦冤結泣血繼又身殞一

室三喪由此兩讎兩兄忱恒冤號極天常有為父母復

讎之心

是白

如可

今正月初一日

兩兄及庶叔德來竊問彥

緒之出三人手刃剝腹齧肝來哭父塚自首本官則兩

兄及庶叔並被枷囚讎人泰緒遂即放送

是白

乎所古今天

下豈有是哉伏乞法其法讎其讎讎人泰緒亦令償命

兩兄及庶叔即賜處分

四月初四日

判付曰事係疑案三堂各具意見論理回啓

臣鍾秀曰

刑曹判書

當初尹德奎致死時仍不成獄似

以辜限內外為斷而尹泰緒彥緒之白放難免辜爾

泰案

緒則未嘗白放則尹忱尹恒之據亡父遺書以復讎者容有可

議假令初不呈官直先下手歸身請罪是白猶是韓文

公所謂得引經而議之者是白况既告官請償命而不

得請然後始殺讎人則其罪本不至深重而德奎父子

妻三人一時併命餘存之三箇遺孤四朔牢囚至有室

女千里叫閤之舉情狀可矜是白凡干訟獄貴在兩造

公聽況殺獄事體動關人命尤不當以一邊之言遽然

論斷今道臣親執詳查啓聞後稟何如

臣秀輔曰秀判洪秀輔其父德奎果為彦緒兄弟之所毆殺

明白無疑然後方合於周官所謂殺人而不得其宜者

子得報讎之文矣

按此段似有傳屬之誤

但德奎致命在於被打

三十八日之久一可疑也尹忱則雖曰出繼遠居其祖

與弟俱在其家不即告官七日之後始乃發狀二可疑

也然觀於忱恒輩之蓄憤伺機剗腹齧肝德奎之因毆

致死斷然可知至於恭緒自是同犯不可以其弟之已

斃付之全釋兩端既有可疑事情亦難遙揣更令道臣

詳查啓聞何如

臣魯永曰

恭議金魯永

若以德奎謂不被打則忱恒輩豈至

於懷刃伺便剗腹齧肝若以德奎謂之被打則何乃拖

至三十八日之久而竟無傷痕之明著乎然既於當時

匍匐躬訴捉囚秦緒則其毆打的然可知忱恒輩之作
此舉措雖付復讎之義未為不可然一邊之言有難盡
信

判付內雖不告其罪猶不至擅殺分喻檢官之漫漶極涉
無理邑宰之扶抑又乖常情朝家之設置道伯所以任旬
宣管風教也道內有此冤狀昧然如不知致使虎身頑
孽倖追無辜而兩人反被橫罹有此釋女鳴冤之舉者
情可矜也法不當也道伯之溺職如此推官邑宰之誤決遂非
特次第件事當該監司沈頤之為先緘辭從重推考此豈
必行查而後始可知者尹忱等保放秦緒還囚校舉營上

文案仍問徑決委折使之不多日內狀聞

本道查啓闕

刑曹啓曰德奎致命之根目不但傷處

之無執辜限之已過而已尹恒之招既曰恚限成疾遂

以致命尹德來之招曰畢竟殞生未必不由於此當初叢

告之亦無明據可知不得成獄法理當然德奎致命

既不由於泰緒兄弟之手則尹恒兄弟之謂以復讎擅

殺彥緒律以父不受誅子復讎之義大相逕庭如法成

獄亦非異事

是白遣

尹恒之刺殺彥緒也不自告官告官

者乃是都將則尹任賢供辭之多不以實大抵類此事

當論罪

是白乎矣

泰緒兄弟之負其悍惡凌其嫡族厥惟久

矣相聞時推擠既有者證病革時遺書亦已現納

是白如乎

忱恒等之常懷由我之疑轉成必報之勢適會其母其

祖相續作故遂以泰緒認為深讎容有是理末稍行兇

雖極兇惡叔侄並囚至有償命之慮則弱女叫閤語多

差爽不足深責至於忱恒

段

所謂復讎本不在當許之

科以擅殺之後亦不告官原情定罪粹難議到

是白

尹

恭緒

段

設令德奎真箇被打

是白

彦緒一人之致命已

足相當則恭緒之罪不至深重

是白

此是重獄也疑獄

也

臣

曹不敢擅便

○

評曰父不受誅子復讎者公羊子

之所以議伍負也伍負之於楚平王本有君臣之義而

前古之世萬國星羅諸侯之臣朝齊暮楚違宋適衛或
為之反服或視如路人君臣之分本不至嚴故公羊子
有是言也若天下一家四海一君則斯議也為逆天悖
倫不可復言今惟土民其父為守令所殺若其父在法
當死則不得復讎法不當死而官長以私怒殺之則子
得復讎公羊子之義於是乎可引也今此尹恒之事以
敵殺敵本無尊卑受誅與否本非可問曹啓何為而引
之也周禮曰殺人而義者令勿讎此則平民相殺者所得
引也然尹恭緒之殺德奎本無秉義義與不義亦無可
論引經如此其何以副 聖意而平獄情哉果然 雷

霆之怒起於不測矣且尹恒之事天驚鬼駭聽朝樓下帶赤腸而手白刃瞻東閣而跪北向此千人之所覩也尹恒束身而歸命都将駭瞻而八告其為告官也大矣今謂之不告官又何誣也議獄如此又何以服人心而平物情哉

判付曰此獄不難解殺人者死通天下萬世不易之法而為父母雪羞逞憤毆人傷人至於致命者輒多屈而貸之大抵律例最重倫義于仍較輕重審取捨者蓋許其躍如矣羞與憤之未至於讎而事有關於為親下手猶當傳生況此獄之近於復讐乎尹德奎之死毋論被打曰病又無

論辜限內外痕損由於頑孽成疾崇在頑孽恭緒意緒等
二人獨非德奎之子忱恒輩之讎乎今從道伯之說讎無
可復之人而復之一字當刮去於律例乎又或有為父母
雪羞逞憤而殺傷人者亦可無一言一一償命而減死或
杖流或勿論之文一一收聚並付之水火為無妨乎道伯
之職異於檢律律例倫義不可偏廢且况措辭判下之
後乃以遂非執拗之說無難張皇尋常道理固難責之於
此道伯而右袒邑宰庇覆虎身猶恐獄不堅而殺不償其
意未可曉也多費責教反涉屑越姑置之所謂初覆檢官決
不可仍置字牧之任以亂風教為先施以誤決獄之罪今

該府拿問勘斷本獄成獄今無可論仍自本曹枚舉判下
措辭行會諸道俾各留心於敦尚之治

臣議曰欲斷此獄先議尹泰緒之獄大抵村鄉愚民無
論士族毗族不知獄例法例何者為傷處何者為實因
何者為正犯何者為次犯何者為小辜限何者為大辜
限何以知矣但聞父死由被子當報讐而已若使尹忱
兄弟少知法意發告引法如經則其父之死必當成獄
何也原初尹泰緒之犯手也凌辱間事也折拇指亦間
事也惟其擢腎抽囊為泰緒之實犯而德奎之屍果然
腎囊浮高

其屍帳曰腎囊浮高狀如割瓜

尹忱之發告也以擢腎抽囊

為其父致命之實目則檢官於此豈有漫漶之理按
摩洗察其浮高不得不執之為實目矣凡折肢折骨
被咬腐傷之類律文曰展限至五十日法典曰展限至

六十日肢體猶然況於腎囊乎

近日兵營民有擢人腎囊者出入死生多人

蓋至二百餘日辛苦得生

所言既明必當成獄顧乃曰罵曰毋曰悲

曰憤雜亂為說無所指的餘辭漫語附陳擢腎之說
腎囊浮高之症明著屍帳而檢官付之間漫監司歸之
變動耳夫暑月浮腫果係例症則當通身浮脹一時
變動奚獨腎囊浮高哉此其為致命之實目而法例
之所展限明矣德奎之死明由泰緒而忱恒二人不知實

曰為何物但知父死由讐人語焉而不能明哀焉而不
知暴使獄事大誤父命未償而又不能自反其身但惡
法官官民相失計無所出遂有此擅殺之舉驟看檢報
雖若中理細察屍帳明係失實惜乎道啓曹啓終未有
發此隱者也若夫捨秦緒而殺彥緒容有可恕當時犯
手兩人同功在公法則宜執家長在私惡則均吾父讎但
殺其一亦足償命苦待其出遂恐負志逢著即殺何分
長弟況其下手之孰重用頑之孰甚渠自有知非在上
者之所能詳也祖死毋死雖曰適會舊鬼新鬼無不
煩冤人子之心顧獨無深悲乎察理論情無一清慈

之語而謬引春秋之傳仰觸 雷霆之怒豈不惜哉第
念復讎者所以報也償命則已又何求焉刳腹出腸舉
措兇慘帶腸被血聽聞駭恠考諸 國法無此虐刑斯
不可無懲也

復雪之原二

讐若相忘久乃甘心
根由爭山實因被打

寧越民朴來麟殺朴成大 檢案闕

判付曰不許復讎則乖先王之制許復讎則人將依法專
殺在昔先儒有言此獄案近之是故道臣有原情之論司
寇執守經之見予則以為兩得之矣蓋成大之來來麟可
謂不反兵之讎也既戕其老父又焚其先塋轉而至惡言

相加當是時也雖使來麟手刃磔之似不抵於償命之
科渠父死後殆若冥頑不知動者及夫為日稍久打殺成
大亦不登時告官則與周官所云書於士殺之無罪大有
異焉是隱暫囚旋放蓋曰臨死之託必殺乃已即是復讎
之謀是遣致死之報終傳而成大潛逃私和之說方行而
來麟牢拒則成大之有所犯來麟之有所待固可覩得是
如手似此罪囚特從寬典不害為援經參情罪人朴來
麟特為減死定配

臣謹按成大若係殺父之讎則來麟之罪宜至於杖卒
今至於減死定配或其事根有不然者

復雪之原三

哀兄被溺以弟報仇
根由差役實目被打

平山民金大漢殺金延石

初檢跋詞曰兩人之殺死

出於二日之內先取諸招次檢屍身其所致命別無可

執之端

是乎

第其草同溺死之日屍親諸人一時並出結

縛延石迭相亂打看證車莫男等丁寧目覩不分喻胸

揪被縛之痕極其浪藉其他傷損亦甚分明是乎所著

傷痕既非速死被打翌日遽爾殞命實為疑恠或慮

服毒試以銀釵其色不變遍覓藥痕亦不可得是乎

草同之叔侄與四寸等六七人及聞草同溺死之報一時突出

結縛延石蹴踏毆打如斯之際安知無內傷要害目

以致命乎當初無病又無服毒而被打翌日仍即致死

其為內傷的然無疑實因以被打致死懸錄多人亂打

首犯難執而金大漢之最先出去渠既納招不分喻鍾柄

毆打之說既發於諸招渠雖發明焉追首犯是乎金守

光金加八金暝光金萬春金恠梅等既已合力結縛揆

以常情亦不無共毆之理是遣行兇鍾柄本圖盡上使

○評曰死由被縛則當論縛痕死由被打則當指打痕

縛痕之詳論而實因曰被打天下有此法乎死由被打

則當指打痕死由內傷則當論內傷內傷之執定而實

因曰被打天下有此法乎夫既曰其他傷損亦甚分明

何不於分明之中選取其最分明者執之為被打之實
痕乎凡內傷致死者皆曰腸系掀斷故其傷多在膏膻
脊背雖五人共毆其犯膏膻脊背者在所辨覆又凡痕
損不明者或用油絹或用油傘以見其映發法也執胸
揪一斥之縛痕為大漢三尺之斷案嗟呼冤哉檢也

覆檢跋詞曰膏膻一處傷痕圓圍幾分

覆檢官延安府使

三檢跋詞曰今此屍身仰面段骨節已離皮肉盡消腹
部下體雖未盡腐若論痕損無一起似遺是乎左肩胛皮
脫之下尚有一點硬肉其狀如馬背瘡之贅肉其大如
象棋子之將顯紫赤堅韌顯有不腐之意圓圍聚合明

有不消之痕

是乎

合面

段

骨節皮肉已皆腐爛一經翻

動皆散亂頭部墮落勢所不免背後傷痕屍親曰無故

有所不忍不得行檢是乎今以一斥惡肉執為致命之

痕雖若徑庭

是乎

被縛非必死之事被打無可憑之

痕而一夜之間奄然致死終不近理是遣渾身傷處只

此肩胛下一斥而一斥之痕本由被咬則此獄實因非

被咬而何韓台史之口咬渠既自服

是乎

實因段以被

咬致死懸錄

為乎

屍親之招雖以金大漢之毆打終始

歸重

是乎

望及之招亦曰六人並打不知誰重

望及者

父宗福之招又云大漢可憎是以發告

宗福者

則大

漢之被告本出私意非必實犯不分喻當場檢驗都無傷

處被咬之外未有所執安得以不咬之人執為正犯乎

實曰既以被咬則正犯當歸韓女是置其夫之溺死實

由於近石必欲甘心是亦常情是遣眾手之打其勢散

漫一口之咬其毒酷烈近石之死非以是乎無冤錄曰

眾人共打難定致命如死入身上有兩痕皆可致命須

於兩痕中斟酌最重者執為致命是如是乎乃兩痕猶執其

一況一痕之外更無他痕者乎此所以韓呂史之斷為

正犯是乎檢官之職但論形症傳生之說不宜輕發是

矣大典曰其父與人鬪而被咬傷致死於六十日之

後其子女與其婦擅殺讎人者其子只用擅殺本律其

婦女分揀

是如為妻復夫讎無異子女則法當方照猥

陳微見

為乎旅

合面之不能行檢雖出於萬不獲已妄行

格外之事不勝惶恐○評曰齒咬無速死之法肩胛非

必死之地則膿不成而肉不爛何至翌日之致命齒不

印而血不出何云毒甚於毆打三人同行必從二言則

四檢並行宜從三案三檢之改實因吾斯之未信也

四檢跋詞曰今此屍身之已近二旬皮肉消化只存白

骨法物澆洗詳細看審而渾身上下骨無傷損皮無接

著無一毫起似之處

是乎

檢驗若是無憑實因誠難執定

是乎

揆以詞證車莫男等三招以金大漢之拳毆足踢

丁寧質言

是遣

其兄之溺死也渠不目覩人無指的而

知為迤石之推溺倡率諸族而直到則拳毆足踢勢所

必至撞著要害二日致命亦云無恠皮肉已消痕損不

存是亦固然

是乎

屍親宗福之招曰被打翌日嘔血致

死

是乎

實曰

段

以被打致死懸錄

為乎

金大漢者雖云

從容結縛初無下手

是乎

詞證既具焉敢發明以正犯

錄上

是乎

韓台史

段

既以口咬之又以鋤柄打之又以

錘柄打之看證諸招無一差錯

是乎

所謂錘柄其長四

尺圓徑六寸堅如金石以此打人必至骨損

是去

今此

屍體都無骨損打之不猛推此可知並與金哥五漢干

犯懸錄○評曰草同之死由於近石觀其檢案真的無

疑

上見自他第十條

今乃以草同之死歸之疑似蓋檢官之不

鍊者以為正犯之人但有論罪不可原情故無故啄毀

如是也又凡久淹之屍皮肉雖消真正致命之傷痕貼

不化今乃曰皮肉已銷痕損不存亦疎闇極矣

巡警題詞曰此微節節殊常無以完決

是如

初檢則左

肩胛咬傷右肩胛打痕初非要害速死之處而不問傷

處之緊歇硬定被打之實因已屬可疑

是遣

韓台史之

齒咬自服既明金大漢之手打證招無憑

是去

只據屍

親之說遂正正犯之案亦未知十分穩當是遣覆檢則
宵腫傷痕既云顯著明是致命之傷似無起疑之端是乎
矣不現於初檢始現於覆檢肉色分寸完然明白有是
理乎以此或存或無之傷處斷定至嚴至重之實因終
有欠於審克之政是遣三檢則肩胛微傷體雖爛而猶
存宵腫重傷肉未消而先沒抑何故也目下無打傷之
跡肩上有齒咬之痕則改其實曰搜其正犯理所當然
是乎凡咬傷之屍毒氣所著曠日彌留膿水沉淹皮肉
損爛然後乃至致命此是法文之所載是乎如今日咬傷
明日致命揆諸事理萬不近似是遣四檢則渾身上下

都無一痕

是如

若係緊重之傷則貼骨不腐虫不能食

即無冤錄法文而皮肉盡消緊歇都泯則覆檢之膏體
痕損三檢之肩胛咬傷其非致死之實同明矣歷觀四
檢之狀難破一段之疑將何以完決也以言乎詞證則
屍親之招看證之招四次檢庭前後所供錯亂變幻無
一相合是如或云三兄弟結縛共毆或云五人等滾合
齊打或云以錚柄亂打或云以鋏柄亂打或云以鉏柄
或云稜杖或云金大漢作頭先犯或云韓台史最為猛
打或云批頰或云拽髻或云拳毆或云足踢或云不知
誰某先犯或云諸人皆不手犯屢搜其說每每相反將何

以憑信乎今則實回正犯合於初檢四檢既行三案同
歸則實回之為被打正犯之為大漢當為斷案是乎其
兄溺死既本由於迤石其弟至痛宜不暇於反兵論以
人情宜有參恕分此不喻從古以來實回正犯如是沒提而
未有成獄者也傳生雖難遽議置死能不過當以松永
縣監殷栗縣監查官差之為去此獄肯縻專在於被溺
自溺之分約日會查應問各人一併取招如不直告嚴
刑究問參以四度文案各具意見論報為旂初檢實回
既曰被打而又於結辭謂之內傷近於圓圖是遺覆檢
之不試銀釵難免疎略三四檢之不檢合面雖有措語

終非行檢之應式是遺
韓女之遺交并丁
果死言

終非行檢之應式是遣韓女之齒咬手打渠既言言自
服則金宗福之必以大漢發告者似不無隱情而前後
四檢都不發問大失慎獄之體當該刑吏一併附過屍
體出給使之埋葬○評曰四檢駁回悉中理窺四邑知
所愧矣

查官報狀曰此獄肯繫惟在於金草同自溺被溺之分
是乎迤石草同本於水垌之上兩人對立一人溺水無
人可證無處可問是如乎惟是莫男者迤石之友壻也隔
籬同居情義不凡而被溺之說莫男始傳問其言根迤
石自吐是如乎則其為被溺明矣宗福之招曰其父迤石

立於垆上高拜大呼曰草同沐浴遂至溺死

是如為

延

石被打之後沐浴之說不復煩寃其有實犯明矣今論

延石之屍應問各人之招曰並力結縛之後韓史挺

身獨當且咬且毆

是遣

金大漢等五人

段初不犯手

是

一詞牢諱

乃

宗福之招曰大漢不但先犯拳毆足踢

繼又杖打捨此實犯移擬韓女心所不忍

是如為

骨腫

被踢豈不速死一夜之間嘔血而死明是內傷

是手韓

女則挺身擔當大漢則極口發明者妻復夫離其律宜

輕弟復兄離其律不明故以若愚蠢猶能較計有此一

服而一諱也兩獄情跡不過如此○評曰嘔血而死乃

內傷之明驗而前後四案無此言其疎略也

內傷之明驗而前後四案都無此言其踈謬如此

巡營題辭曰車碼宅近石之親查也

方言男女結婚其兩家父母曰查傾

車莫男近石之友壻也草同溺死之說猶不掩諱則其被溺明矣彼大漢者以為兄復讎之心當秉憤結縛之時不打不踢有是理乎若非要害之重傷云何翌日而致命擅殺讎人之律似無子牙之分而弟復兄讎不載法文其在審克之道難議惟輕之典四檢官仍定同推官為去待時會推打殺情節期於輸款為督缸米泔之說似有苗脉而初檢則初不提論查官則但發其端俱有踈忽之失是遣三檢以肩胛咬傷為翌日致命之

實曰有違法文初三檢官刑吏待用刑著加上使前題
所論覆查檢官刑吏及兩查官刑吏並只附過為韓召
史段義不共戴罪非正犯並與干連諸人一體放送
○議曰草同之死誠由被溺則延石者當死之人也當
死之人死於冤家而如法成獄約日會推未見其當於
理也

復雪之原四

痛妹被溺謂姑逼殺
根由義憤實因被打

晉州私奴福順殺妹之姑○檢案闕

判付曰致命之以病以打手犯之在此在彼姑勿論案獄
無原情之法則已不然此固可活不可殺也被告人福順

之於被死婦福占兄妹之間也同氣之情人孰不然而福
占兄妹段筭髻之齡既隔二年之間瓶壘之痛俱在十歲
之前零丁孤子相依為命及夫覆巢餘卵彼婚此嫁則其
期望愛護之意十倍他人或恐一日不安於舅家是如翻
唇之誚無奈乎姑惡鑠骨之譏未免於婦歎戴千盃而出
去暨夕飯而不來欲歸則歸輒被嗔欲逃則逃亦無處悼
身世之悲楚恨命途之險巇彷徨躑躅於日暮空江之濱
竟作楓林投水之魂情境之慘惻煩冤之結轡行路間猶
掩涕況稱為其兄者舊痛未艾新哀陡發當是時也窮天
極地之冤其將如何分解於是乎網縛其夫毆打其姑悼

阿妹之姤恨問其姑之逼殺以為一半分滿讎雪憤乎遂
者天理之所可已而不可已者原情之論不於此因而何
施也福順身乙特為放送

臣謹按不見原案未詳事根然其實因必是病患福順
以被告人見錄故御判首云以病以打又云福順被
告也其罪在疑其情可悲故處令如此若其打殺明的
則必不至於全釋矣偏性婦女自我於猝乍之間者未
必皆逼殺而然一言勃礫恨如鐵石以辨投淵之變者
甚多不可以此定其姑惡必誣之以奸淫陷之以竊盜
不可自容於天地之間而為此自我然後乃可復讎若

福順者打而不殺其獄可疑故參前倚衡乃傳生也

復雪之原五

借人報仇本以私惡
根由含怨實因被刺

松永民吳億春殺安宗冕

刑曹啓曰松永縣囚推罪

人鄭大兒獄事

段

安宗冕之被刺雖云的實斷獄之法

必待手犯分明詞證具備然後始乃成獄

是去

此獄段

被刃之時既無執贓追覈之日又無立證特以鄭女本

有平日復讎之倡言又有年前懷刃之傳說而所居之

屋與之對門故屍親以此而指告檢官以此而致疑竟

至成獄二年滯囚

是白

蓋此宗冕歷數平生無他結怨

之人半夜睡中猝有被刃之變則無慮不生無人不疑

茅以蓄怨之鄭女指名發告是白檢官結詞有曰宗冕

南首向簷亮人立階行刃手勢甚易地勢亦便是白乎

今觀傷痕上潤下尖明是起手於上收手於下決非立

於廳下自外行刃是白則檢官論列未知其安分喻當

日居接儒生二十三人衆聚習藝俗謂之居接同宿一廳倒卧直

卧時夜昏黑天又下雨某在斯某在彼外人何以知之

是白行亮器仗毋論或刃或鎚其形跡之唐突手勢之

放肆不可曰女人之所能辨是白茅以事理推之宗冕及

許多諸儒之中有仇人惡夫參錯其中或錯認而誤中

或內應而直刺是白喻事甚疑恠不可造度是白干連崔

先中昭曰佳接行鄭初唐方衆忽聞逐盜之聲之羊

先中招曰佳接行廊初睡方濃忽聞逐盜逐虎之聲驚
起而出審見廳上此時有人言安進士腸肚露出故不
敢就視却立齋門吳億春自其家到門曰齋中何事
變先中荅曰吾亦莫知事狀酬酢之際廳上舉火望見
宗冕腸出血流是如為渠既佳接於行廊齋門開閉必
無不知之理且聞廳上有變論以常情所當驚惶奔走
詳問審視是白今反偃然出立及其億春之來問也亦
復漫應恬然晏然視若尋常其所謂不敢就視望見腸
出者全不合理觀其形跡則閉門之人上廳之事必有
先知無所驚動乙仍此等干連在所嚴覈是白其在兩

濕必有泥痕亮人之踰牆踰門何不跟尋此亦可問

是白遣

夜中閉門當有其人其開其閉實關獄事而齋直

金呂宗之招曰廐中有牛每夜銘心閉門而昨夜變出後見之則門已開矣同居諸儒之招曰居接以來無常出入齋門無閑鎖之事兩招所供若是相左而亦不歸

一遣是白

刃刺之起手收手初不懸錄事甚踈漏當該初覆

檢官並從重推考

為白乎旅

道臣雖以為孤田之疑既不納

履何所執跡執其疑似猶當審克況以無形影沒把捉之事遽然成獄揆以事體殊涉乖當鄭女段姑為傳刑

更令道臣親執詳覈論理狀聞何如○評曰曹啓以傷

痕之上濶下尖知非自外而行刃又以刃勢之起手收
手謂當懸錄於屍帳至請檢官之推考嗟乎惜哉疎鹵
如此猶欲明罰而救法不亦難乎無冤錄言起手收手
之輕重者是自割之痕耳凡自割其喉若肚者始雖以
剛毒之心把刃自堪及其刃入膚革之後痛極神昏自
不免手軟而刃輕故起手雖重收手必輕此自然之理
不易之形也若夫被刺之痕何必然矣故無冤錄刃傷
條曰刃傷之痕兩頭尖小無起手收手之輕重曾此條
之未見而欲斷刃傷之微難矣安宗冕南首向簷而卧
則行兇者立於廳下自外行刃可勝言哉況其行兇之

仗乃是金奉圭之鑷也鑷割人之腸肚者刃八之初
銳而勢輕刃拔之時句曲而勢重其傷之先小後大
勝言裁下尖者刃八之初痕也上濶者刃拔之終痕也
先自下腹劃至上腹者賊立廳下自外而行刃也雖以
事理思則二十三人倒卧直卧密如竹編相與枕藉而
交加何物鈍賊乃欲投跡於廳上踏人之臂股蹂人之
肚腹以自取其顛踣哉如此請推檢官其不伏矣

查官報狀曰大抵此獄時在藏刑而真贓未覈事已經
年而詞證屢變安宗冕被刺之日即是昨年七月初三
日則時月已一周矣獄情疑晦實難究竟是如屍親

指告專在於鄭大兒而只憑宿昔之結怨元無當夜之

執跡則歸以首犯實非安當是乎等以應問各人處次第盤

詰反覆細問則是乎齋所諸儒有十分同仇之意無一毫

可疑之端此輩內應非所可論且伊等俱無結怨之處

則仇人誤中亦無是理是乎厨下止宿之金呂京父子

門傍起立之崔先中夫妻對家獨出之金時位先到問

寢之吳億春最為此獄之肯綮故就其前供中破綻處

逐條究覈多般詰問則言語抵牾之間端緒漸露彼此

面質之際根柢自發末乃諸招不期而相同正犯無辭而

自服是如惟彼崔先中金呂京金時位段本與宗冕小

無恩惡或有受囑作證之罪別無締結同事之跡

是

吳億春

段

已自初查之時舉措動勦言語荒亂始引不

當之人指為殊常之跡

是如

忽云屍親及諸人謂渠以

符同鄭女刺殺宗冕此乃諸供之所不言

是遣

又言與

宗冕平日相親之事為命淡初無復讎之意重言復言

縷縷發明此亦問目之所未及

是遣

鄭女挾刀之日持

杖待門之狀與大立證福德目覩渠亦不敢牢諱終乃

自服

是遣

宗冕含憤不食之說渠自教囑

是遣

又出於

金呂京崔先中金興大等招

是遣

宗冕被刺之時門傍

之先中驚覺即起對家之時位聞聲纔出廳上之爐火

未燃村中之鼾雷方熟而渠以家遠之人先已在門則

實跡莫掩中情自露故歷引鄭守同妻及崔春望金時

位等以證聞聲後出門之狀而送妻付囑之事終難掩

覆三人同辭不分喻其妻則曰二更出門不見其歸渠招

則曰其妻踈起聞聲出門諸招歷歷可據渠言節節相

違則氣沮語窮直為吐說是乎平問之下率爾承款亦

甚可恠故更為發問使之盡言於是歷言渠等結冤之

由以及鄭女復讎之說而終不言同謀之事蓋此億春

以命淡聲氣之感受鄭女秦養之恩乃渠叔父之致死

實由宗冕之訐訐又渠兄弟之受杖亦緣宗冕之告訴

同仇之謀益切按劍之怒愈深而當時文會之設可售
甘心之計故乃與奉主表裏和應啖之以重賂誘之以
美色問其鑰刃之藏處探其門扉之開闔然後乘夜剗
腹恣意行兇而以聞聲出門之證付囑時佗等三人以
含憤不食之說付托金呂京獄中欲以半夜剗刃之事
歸之一堂聯枕之人是如情狀綻露自歸首實而行兇
之節次器仗之下落箇箇直招鑿是有據吳億春
段定以正犯為手金奉主段借鑰內應之狀亦既自服
故置於干犯而並為嚴囚是乎鄭大兒係是特教保放
罪人乙仍初不並問是如億春既服手犯鄭女難免指

教一次取招還為保授

是乎

崔先中金呂京金時位金

興大等

段

雖無可聞之端被人誘脅前後變招不可不

嚴刑懲勵故亦並嚴囚

是遣

其餘干連諸人

段

有難滯

囚故一併保授

為乎

行兇器仗

段

奉圭之招再鍛其鑊

乙仍

試以法物雖無現發既是行兇之器仗故圖形上

使

為乎

查官

段

瑞興縣監內遷之代牒題緣到查簿垂

畢信川郡守

段

初不請來

本道查啓曰此獄正犯之不能鉤得者誠以刺客之刺

刃乃在仇家之對門屍親之指告獄吏之億料俱不出

素所結冤之一鄭女

是乎

先入之見一闕未透首犯之

定三案皆同鄭女有可疑之情而真贓未提億春有
可疑之跡而始慮不及推覈不得究竟無路何幸更查
之舉乃在保放之餘所謂首犯不敢舉論只從干證別
加究問是白諸人滯囚已至經年畏其威脅者恐怒交
發受其誘囑者疑恠並生詞證備至於盤問事端漸露
於辨質遂至正犯自服罪人斯得手刃者方知為億春
指教者果歸於鄭女若無今番之更查則獄老生奸終
何以覈得乎節

刑曹啓曰當初變出之夜吳億春最先聞之急先來到
其與崔先中酬酢雖涉可疑陰賊其人形現其處實非

常情之所出果無始慮之攸及今以諸招觀之獄中密託之說證人俱已吐實三更出去之說渠妻亦不知諱况旃金奉主既以借鑄納招吳億春亦以手刃自服則億春之刺殺宗冕更無可疑節

判付曰此獄之更令究覈者蓋以情節至兇特也詞證沒摸捉也反覆叅覈決非一女子之所獨辦是如到今疑端漸

露真贓莫掩畢竟正犯不出所料天理孔昭烏可誣也大抵億春之自初所為言言慌亂節節閃忽門外之先到獄中之暗囑已極殊常而盛論平日之厚誼惟恐不知強覓伊日之厭飯作為明證前後排布無非泥斲之闢許多

脉絡真成春雉之鳴借鑄之事渠既自服持杖之跡人莫
不超始於周年之後三查之下乃以和應之狀無辭承款
獄情到此可云無疑然億春之事猶未洞然誠以命淡有
泰養之恩而其親不過於總功鄭女有孟酌之好而小惠
無異於一飯因此效死必無是理况半夜刺人何等重事
苟非平日之切齒決無一夕之生心所謂私嫌亦一先天
事也攘雞之宿謗甚微借騎之交契益密為人報仇俠士
所難好生惡死吾人常情始同一睚眦之小惡終行三尺
刃之兇謀萬不近理是如不可以平問一服遽定疑案正
犯其億春更加嚴刑此外隱情一一取服為旌鄭女段常

抱復讎之心曾有懷刃之行早晚必報之說親戚聞之隣里傳之乘此讎人之在近潛與從佐而同事理所必然明若觀火是乃假手之計既成挺身之意漸縮醞釀謀畫一味牢拒究厥情跡尤極巧惡令道臣分付推官嚴刑取服為旂金奉圭段甘聽約婚之說指示藏鏹之處隨從之律固無關於入睡與否而內應之跡終未盡覈血刃之說亦無究竟嚴刑更查期於吐實為旂檢官道伯本當處分到今反案之後益著失實之罪其在重人命懲後弊之道不可以事過而置之伊時初覆檢官並拿問處之當該道臣緘辭從重推考為良如教

欽定四庫全書
欽定新書卷之二十三
欽定四庫全書

欽欽新書卷之二十三

冽水 丁鏞 輯

祥刑追議十一

情理之恕一

為父救難毆人致斃
根由使酒實因被

富平民申福金殺金昌俊○檢案闕

判付曰想其境則酒所也語其時則暑候也被死人昌俊
既中酒矣又中暑矣以三旬九食之人在幾死僅生之際
忽地惹鬧酒妄闖發把持福金之父仍成一場之鬪如使
福金立視其父之毆傷惘然不救則在朝家敦風重倫之
政先置福金於重律次論原獄之顛末可也渠乃出力捍

敵挺身救護脫其父於急難之中此天理人情之所固然
誠可獎而不可罪也且渠情急衛父法昧殺人憤頭手勢
自不免猛觸緊撞則傷處有無固不足言且考屍帙心坎
微硬一處之外無他痕損死者臨死之托猶恐發告夢後
鮮夢之說至稱精神分此按續典云其父被人毆打重傷
而其子毆其人致死者減死定配此足為據且空腸過飲
暑月生病初檢跋辭十分明白是如卿等守法之論未免
過中福金身乙今道臣決杖放送杖以懲毆人之罪放以
獎衛父之誠俾外邑曉然知朝家本意在於屈法敦俗
臣謹按此獄昌俊本以飢餓垂死之人猝有醉飽中暑之

病雖其傷不重亦足致死不惟以子衛父為可原也

情理之恕二

為母救難毆人致死斃
根由義憤實目被踢

載寧民李厚相殺孔召史

查官報狀曰今此獄事傷

痕浪藉詞證具備正犯之招不敢全諱論以法文實合

償命

是乎

原其事情誠有可議

是如

厚相之母方召史

致死之女孔召史即十寸娼嫖之親也年長以倍方是

娼也藐然後生孔是娼也以藐少之娼犯長老之娼始

既捽髮終又批頰厚相身為人子目見此狀袖手傍觀

愬然無愁則其為不孝大矣當是時也痛心疾首怒氣

山湧不覺拳之自奮足之自抵而孔女則已重傷矣何

暇計較其生死乎續大典曰其父被人毆打傷重而其子毆其人致死者減死定配今厚相之母其傷雖不甚重原情照法宜有可議

判付曰載寧李厚相微事

段

比鳳山朴奉孫繼或差殊比

平山鄭大元無甚彼此

乎是如

惟以情理叅以事勢有十分

可恕之端無一毫必死之罪為其子者見其母之與人相

関推擠之顛仆之如不急急趕到急急挽救則可謂有

入理有至情哉若其憤氣之所衝發怒拳之所撞著或毆

或踢不能自止者固是勢所必然今若以毒毆猛踢仍成

致斃擬之於故殺則在廷尉奏當之方雖云守徑視

朝家勵俗之政似涉乖宜本曹回啓未免太執抑厚相身
乙減死徒三年定配

臣謹按朴奉孫鄭大元李厚相三人所犯皆同而鄭李
徒配惟朴全釋者彼其所殺本以義子毆打繼父其罪
可殺故也

情理之恕三

義子毆父親子救難
根由吝財實因被踢

鳳山民朴奉孫殺裴從男 本道啓曰蓋此微事實
目明的詞證具備朴奉孫之為正犯更無可疑是白其
父小尚恃其老耄替子自當而奉孫則一直抵賴此其
計蓋欲互相漫漶父子並免而罪上添罪自抵罔赦

論以常法固難輕議

是白乎矣

第其事根容有可原奉孫之

父即從男之同居繼父也曰父曰子無異親子而怒發

於稷苞之慳計肆然下手捥搦毆辱以至於傷膏出血

則為奉孫者見此危急安得不為父捍禦反加毆踢乎

秉彛所激憤氣如焰輕重死生有不暇顧則其踢雖猛

理無可恠其死雖急無足諦而愚騃自怯不肯首寔

但急脫已之妄想反幸衛父之本情

是白如乎

謹按續大典

曰其父被人毆打重傷而其子毆其人致死者減死三

配今此奉孫之事庶或近之

乙仍

茲敢論列以俟處分

是白齊

判付曰奉孫親子也從男義子也稱父稱子彼此相同則

父子之義無所逃於天地之間而一芻之稷至茲詬辱
恣意下手轉至傷膏而出血雖在行路之人若具秉彝
之性固當扼腕而雪憤況為奉孫者目擊此狀挺身捍敵
出力拳踢即天理人情之所不可已者原初成獄有甚所
見是喻道伯所引續典中減死律文亦不分曉以義子而毆
義父豈可方至於路人之毆傷乎象魏懸法風為先典律
有無不必援引奉孫乙即為放送為成獄時檢官一併從
重推考雖以其時道伯言之宣化之地措辭題狀必欲成
獄而後已是誠何心嗟彼奉孫不即自服反欲發明特
因避俗蚩蚩徒知殺人者死不知復讎之為何物耳

雖在微賤之流但當成人之美何必深責當該監司推考
臣議曰同居繼父其服齊衰期年其名義至重毆之至
死其罪當斬如此之人人得而毆之況以子而衛父者
乎

大明律毆繼父者

謂曾先同居
今不同居者

杖六十徒一年折傷以

上加凡鬪傷一等同居者又加一等至死者斬自來不
曾同居者以凡人論○案毆期親尊長者其律重於
此條同居繼父其服亦期而其律差輕者為非天屬之
親也

大明律凡祖父母父母為人所毆子孫即是救護而還

毆非折傷勿論至折傷以上減凡鬪三等至死者依常律案國典規律甚輕為子弟之衛父兄理所難禁也情真者宜遵國典情不切者宜引明律若朴奉孫者其用國典無疑適輕下服適重上服此之謂也

情理之恕四

謂不依法其子雪恥根由奸淫實因被辱

大丘民成聖一殺孟春毋○檢案闕

判付曰殺獄決折無出於實因二字然參情揆理誠有可疑而可原者則不必以實因之明白遽議償命是如今此

成聖一之微原其根因事關淫穢跡涉黥黥朝家不欲索

言以傷風化

分此

推以常情所謂成太郁既有班名

貴族

謂之兩班班名者貴族之名

亦具彞性聚廳之行豈忍為此設今真有

所犯孟春之母固當牢諱之不暇或恐他人之猜得乙是去

乃反口傳於村會仍又手本於里長非有別般事端寧有

是乎大抵太郁以他鄉羈旅之蹤有家彥富饒之名父子

兄弟亦稱蕃盛和睦既失於四隣疾惡都歸於一身於是

成致文朴弘述金世貞輩潛煽飛語欲逞私感把黑夜難

明之事做白地構虛之說慙愚愚蠢之嫗即孟春指囑雅

駭之女春即孟或許以毀家出鄉或許以放良得田脅之陷

之無所不至則蠢嫗駭女以平日免賤之計生田土橫占

之慾口傳之不足至於手本手本之不足又納傍音服罪之文

也必欲滅人之家亂人之紀使不得住接其鄉里而後已
當此之時雖沒知覺無廉恥之人其將噤口袖手恬不知
動乎申官辨暴未暇深量乘憤毆打不是異事況旃傷處
非即死之界看證皆含憾之人此非可疑而可原者乎父
子四人一時併力不知先犯之為誰隨後之為某而今欲
強執其疑似之跡決之曰此為正犯則大有乖於獄體此分
除良以孟春而證太郁是以奴證主也以聖一而證太郁是
以子證父也此皆大閑後樊檢官查官等從重推考旃為成
太郁段兄弟父子初既合力下手則為子爭命自稱元犯
冀使獄事不至究竟此固天理人情之所當然是去漫詞

納供自處以略略加功者不亦愚乎何乃朴厚之俗有此
悖戾之習太郁良減死定配其子聖一等並只嚴刑一次
放送婢孟春仍本役絕島為婢

臣議曰鄉村富民例失人心既失人心例誣以淫必欲
破其家誅其人散其田產以享其波及之利此例習也
亦痼習也今全州亦有如此之獄殿下明見萬里使成太郁者得昭

其覆盆之冤以見日月之光猗其盛矣但成致文朴弘
述金世貞等是初造意始發謀者奸狀既露法當反坐
御判無所論意或傳聞者刪之也且成聖一等其父
校廩聚之誣其子奮鷗逐之氣無論造意者受喉者

便當一拳打殺寧得云有罪乎此與鄭大元宜同載一傳故臣故編錄在此

情理之恕五

謂母行淫其子雪恥
根由奸淫實因被踢

平山民鄭大元殺金光魯○查官報狀曰大元踢殺光

魯自首其罪償命之典無容更議

是乎

原其情而出於

為母聽其言而亦皆從實蓋十歲喪父十載奉母伶仃

孤苦相依為命

是如

葬母之餘淚未晞行淫之醜辱忽

至忍能對面惡聲極口則不顧死生拳打足踢人子之

常情也假令大元當此橫逆談笑而道之則不孝甚矣

是曰可殺及其怒氣稍息本心旋生追念友誼自知其

罪無隱諱從實直對情理惻怛辭氣愿款有足以感動人者執跡論心庶幾出於孝而過於孝觀過可知其仁矣謹按續大典曰其父被人毆打傷重而其子毆其人致死者減死定配孝理之政於斯為至今此醜辱有異重傷固不可援以為例是乎考之前史元魏大武帝稱高允事曰臨死不易辭信也為臣不欺君貞也特原其死而朱子取載於小學夫高允暴揚國惡罪不可恕以貞信特蒙原赦乎是如海隅頑悍之地行誼實實欺詐滔滔其在激揚頽俗之方此等之人別般曲貸反加糜示恐亦合宜雖然罪在償命之科律無原情之文

伏願亟上考案備陳實以冀出尋常處分

判付曰原初光魯之向大元詬辱也勒以行淫之目加於
既骨之親為人子者宜有不忍聞不共戴之心盛氣發憤
便下毒手在法固難赦在情必可恕此原情而屈法處是
如乎及其光魯之死也渠往光魯之家備道毆打顛末又
於初檢也同推也考覆也其所招供了無一毫之隱諱惟
有一死之捩棄此誠矜憫處况旆其父被毆其子毆其人
致死律許減死無論生前被毆死後被辱為其子憤痛欲
報之心豈或間然以此以彼大元之傳生實開風化之一
助大元身乙嚴刑一次徒配

臣議曰奸淫之誣甚於被毆何也有婦人於此問之曰
汝寧受人之毆打乎抑受奸淫之誣乎彼必以毆打為
甘而決一死於淫誣也護父母之毆傷其事微小雪父
母之冤誣其義至重大元之獄於是可決矣

情理之恕六

妻有淫行夫殺奸夫
根由奸淫實因被打

定州民文中辰殺李明哲○檢案關

判付曰一人致死三人正犯獄情雖若疑難大抵明哲奸
人之妻反欲舉去託以飲藥惹起事端肆然取余至欲擁
卧駭愕之舉無異奸所文中辰雖甚孱劣豈有無一詞甘
受之理中辰雖懦男子也其妻雖強女子也男子逞失妻

之憤一打必猛女子有通奸之私數打必輕此箇事理不

難辨別

是去

忽變正犯以妻代之抑何故也前道臣李性

源之起疑行查也有曰鼓托代父之義要補失身之愆措

辭行閱更因中辰厥女之奸情惡態於是乎覷破而深得

按獄之體矣昨年更查本牧有從輕之報今年審理秋曹

有傳生之論亦有意見獨於致命之傷或云稠會雜論指

的無處或云三人共毆輕重莫辨苟如是也明哲之死死

於誰手東方未既已變辭文中辰終始自當

分喻

獄老生

奸無所不有囚械本出於浮費則一打之聯訴可信也諺

書不關於里任則三年之處囊可疑也今也疑其可信信

其可疑一朝反案移定正犯則文中辰正犯也東方女東
方未隨從也正犯既定則中辰其死矣奸所殺奸不至償
命而止殺奸夫原無容貸則中辰果死矣然中辰何可死
也中辰本夫也明哲奸夫也奸夫來劫本夫荷杖肆惡千
百其狀除非蘓五老之沒知覺者孰不毆打一番下手其
勢必猛八日致命其死太緩比之以殺心而行殺事即地
致死者太有間焉今因止殺奸夫之文從而償命則自此
以後小民孱劣者將不勝失妻矣以獄體定元犯以事理
傳輕典俱有可據文中辰段加刑一次放送東方未段特
放東方女段原初事端皆由渠起而其所以為夫為兄者

亦未免有始無終可恕者少可惡者多嚴刑定配

大明律曰凡妻妾與人通奸而於奸所親獲奸夫奸婦登時殺死者勿論若止殺死奸夫者奸婦依律斷罪從夫嫁賣臣謹按止殺奸夫者無償命之文明律國典皆

無此說而自古相傳止殺奸夫者成獄償命或者明律之文者得有差相傳如是也明律奸婦本應同罪今奸夫獨死奸婦無恙有乖法理故斷其淫罪許令其夫從便嫁賣而非謂止殺奸夫者成獄償命也且考續典曰其母與人潛奸其子於奸所刺殺奸夫者叅酌定配又通編曰未嫁女為人劫奸其父母毆殺其人於奸所者

以應死而擅殺律杖一百三者皆止殺奸夫惟獨殺妻之姦夫者成獄償命恐未允當一是母親不可議到一是刼奸女則無罪雖其倫理事情各自不同奸所目擊登時刺殺者情有可恕理宜有伸况律與典俱無明文者乎

海南鄭卜男獄事判付之牒曰 先朝戊寅下教曰一房同食何異奸所又癸巳下教曰無異奸所者勿為完決狀聞後舉行仍命京外奉承傳遵行此旨 先朝受教也而諸道獄案此等獄事初無狀聞稟處者自本曹別關行會于諸道諸如此類無論已完決未完決並舉槩論理錄其

原文案狀聞事分付

臣謹按英廟下教應載受教輯錄況在先朝表章

如此凡遇殺奸之獄宜引之如聖經據之為法典也

情理之恕七

嫂有淫行叔殺奸夫
報由奸淫實因被打

金川民李二春殺金命誥○本道啓曰此獄之始一則

悲憤所激一則計較未生屍親之招曰朴春福號令仁

植等曰汝可折脚殺之潜奸汝嫂之人如是歇打李家

亡矣由中之言信口而發彼此所供要不出此此可見

前後指揮皆出春福終始犯手專是二春也不然殺獄

償命立落未判雖至愚之人豈可僥倖萬一挺身擔當

乎二春吏族仁植稍黠既悟結案在前正法在後則獄
老生奸死中求活互相指囑忽變前招同辭納供如出
一口而二春變招節節窮遁分此其在不女或既身當
或自目擊則元犯指告何等緊急而必待三推之時過
葬之後者獨何意也此不待明者而可知李二春之為
此獄元犯斷然無疑是白按大明律曰姦所親獲登時
殺死者勿論此指其夫而言也在夫既曰勿論則其夫
不在而夫之身登時殺死者宜若可議是白係是無於
律之事特令該曹稟處○議曰殺人大事也故殺姦之
法非其夫則不許非奸所則不許此非可爛熳輕許者

也母之奸夫許其子殺之室女之幼奸者許其父殺之

也母之奸夫許其子殺之室女之劫奸者許其父殺之者國典也然轉轉開廣又許殺嫂之奸夫則不既濫乎況非奸所者乎此不當引而引者也

情理之恕八

室女被誣自殺奸婆根由奸淫實目被刺

康津金女銀愛殺安召史○檢案關

李德懋作銀愛傳曰銀愛金姓康津縣塔洞里之良家女也里有安嫗者故娼也陂險荒塘多口訖廢癩遍體不任搔癢發心蟧益不慎言嘗丐貸米豆鹽豉于銀愛之母母有時不與嫗輒愠恚思欲中之里童子崔正連即嫗之夫之妹之孫也年十四五冲稚娟好嫗試挑之

以男女婚媾之事仍說之曰娶妻如銀愛者顧何如正
連笑曰銀愛美艷豈不幸甚嫗曰第倡言若業已私銀
愛者吾為若成之正連曰諾嫗曰吾患癡癩而醫言瘍
科藥料直最高事苟成若為我當之正連曰敢不如教
一日嫗夫自外至嫗曰銀愛耽正連要我行媒期于吾
家為正連大母所覺銀愛爬牆而遁夫功責曰正連家
世微而銀愛室女也慎勿出口於是一城喧藉銀愛嫁
幾不得售惟里人金養俊深知其明白也遂娶以為室
則証言益播尤不忍聞

崔正連即康津吏崔宗烈之子也金養俊亦縣吏已

酉閏五月二十五日安嫗大言曰初與正連約行媒報

我藥直銀愛忽畔而嫁他夫則正連不如約我病自此
硯銀愛直我仇里中老少相顧駭愕瞬目搖手不敢出
言銀愛素剛毒受嫗誣辱已二年至此尤愧恨實不能
堪必欲手劓安嫗一洗此冤憤而不可得翌日值家人
不在安嫗獨宿夜一更持厨刀揎袖及帟颯然而步直
入安嫗之寢一燈翳翳嫗孤坐將就眠露半體只繫帟
銀愛橫刀而前眉眼俱倒豎數之曰昨日之誣甚於平
昔吾欲甘心于爾爾嘗此刀嫗意以為彼固纖弱不足
有為應曰欲刺試刺銀愛疾聲曰可勝言哉側身倏
刺其喉左嫗猶活急把其持刀之腕銀愛瞥然抽掣

又刺喉右軀始右仆遂蹲踞于旁刺決盆之左又刺肩
胛腋臑胎膊頸及乳皆左也末廼刺右脊皆或二刺三
刺揮霍飛騰一刺即一罵凡十有八刺未暇拭刀血下
堂出門急向正連之家要以洩餘憤焉路逢其母泣挽
而歸銀愛時年十八里正奔告于官縣監朴載淳盛威
儀肆軀屍驗刺死狀究銀愛刺軀何為且軀健婦女弱
女今創刺兇悍非若獨辦無隱直告時伍伯離立爭憐
刑具滿地干連瑟縮無人色銀愛項有枷手有拳脚有
鐐拘繫縛束體弱委垂殆不能支然而面無怖言無哀殺
然而對曰欵官我父母試聽因言室女受誣不污猶污

嫗本娼家敢誣室女古今天下寧有是我囚之刺嫗豈
可得已囚雖蒙獄嘗聞我殺人官誅身固知昨日殺嫗
今日當伏誅雖然嫗既囚刺誣人之律官無所施但願
官家打殺正連且念囚獨受誣更有何人助囚共刺行
此虎事縣監太息良久取驗刺嫗時服飾苧衫苧裙都
是殷赤幾不辨衫白而裙青悚而壯之雖欲原釋法不
可屈彌縫讞詞上于觀察使觀察使尹行元亦飾推官
姑究其同謀為誰以緩其抵法訊覈凡九次詞如一惟正
連冲稚為嫗誣誤置不問庚戌夏國有大慶上錄死
囚觀察使尹著東上此囚而讞詞頌微婉上惻然欲傳

生重其事命刑曹就議于大臣大臣蔡濟恭獻議銀
愛報惡雖出至寃罪犯殺人臣不敢為叅恕之論上
下批卽特貸其死

判付曰天下之切膚徹骨之寃者莫過於貞如之以淫被
誣卽冒此名便溺於萬仞坑塹坑可攀而登塹可躍而出
此名欲辨何以辨欲灑何以灑乎往往寃切而憤徹自徑
溝瀆欲暴其碧碧之情實者間或有之是如銀愛者渠不
過十八歲女子耳渠以江漢守紅之跡忽遭溱洧玷白之
辱而所謂安女粧出棉花之虛影閃弄哆箕之鏡舌雖在結
縵之前尚且決性命辨真偽要作分明之身是去况旃

新緣終覲於旭、鴈毒射復肆於沙、鯀一言脫口、百喙吠影、
瑛城之歌、四面皆楚、則冤劫憤徹、將判一死、但恐徒死傷、
勇人無知者、於是乎提出床刀、走到仇家、說得痛快、罵得
痛快、畢竟白白晝刺殺一箇、癡婦、使鄉黨州閭、曉然知自
己之無累、彼仇之可報、而不效巾幗、髯婦既犯殺變、反事
變化、以丐其僥倖、一縷者、流此誠熱血漢子、所難辦、而又
非偏性女子、匿冤憤而經溝瀆之比也、若使茲事在列國
之時、其外死生尚氣節、可與聶婪而齊名、太史公亦當取
而書之、遊俠傳末、分此往在數十年前、即英海西有似此
獄事、按道者請原之、朝廷下稟諭、即令釋之、厥女出獄

媒僧雲集以千金賭其女終為士妻至今傳為美談惟
今銀愛辨此舉於既嫁之後尤豈不卓然乎哉銀愛身已
特放日前長興申汝侗之傳生出於重倫常重氣節也惟
今銀愛之特放亦類是耳兩案梗槩及所下判斷騰頌道
內俾知人而無倫常無節氣者與禽獸無異則未必不為
風教之一助

臣謹按嘉慶辛酉冬謫配康津縣窮居民間聽邑人之
言曰銀愛自未笄時已與崔正連私奸安嫗為作媒婆
每於安嫗之家行奸其後利少安嫗播之銀愛遂殺之
然中葺之事有誰知之凡奸淫之訟一被指目眾人

從而實之故諺云盜寃終脫淫誣難雪此之謂也如有實犯理當沮盛不能若是之快殺也

義氣之赦一

兄不庇弟隣以義殺根由義憤實目被踢

長興民申汝倜殺金順昌○檢案闕

李德懋作小傳曰申汝倜長興人也同里人金順昌留其弟順男者屋與妻耘田而歸妻舛小麥減二升訾曰叔在而麥不存真恠事順昌詬順男曰看我屋偷我穀非盜而何爾其自服順男方病卧不堪寃痛泣嗚咽順昌睨曰盜亦悔泣耶舉杵撞其腦順男委頓幾不得生隣人咸集心怒不忍言惟田厚淡者調解之曰古語有之

一斗粟尚可舂况二升麥胡大事奈何兄弟不相容順
昌罵不已厚淡往見汝侗慨然言之汝侗勃然扼腕而
起曰順昌非人急如順昌家捉髻而責之曰升麥不足
惜兄弟不可閤嗟爾父母生汝二人但願相憐不期相
爭杵撞病弟爾則畜生畜生不可親吾將毀爾廬不與
同吾鄰順昌踢汝侗曰我毆我李胡干汝事汝侗大怒
曰我以義勸汝反踢我我亦踢汝遂踢其腹順昌匍匐
翌日死家人匿不告官越一日事始發汝侗係于獄此
已酉七月事也

判付曰古有一男子鍾街烟肆聽人讀稗史至英雄最失

意處忽裂眦噴沫提截煙刀直前擊讀史人立斃之大抵
往亡有孟浪死可笑殺而如朱挑椎羊角哀者古今幾人
汝憫其朱羊之類亞歟目攝閱牆之變宵起葉火之焰往
日無恩今日無惡瞥然輒然之間趕入滾開場中提髻而
踢曰同氣之聞倫常之變豎爾廬黜吾里傍觀責以汝何
干焉則曰吾義彼反怒被踢吾亦踢噫汝憫死也休怕非
士師而治不友之罪者非汝憫之謂哉錄死因凡干若百
其憫儻不碌亡於汝憫見之有以哉汝憫之名不虛得也
汝憫放

臣謹按地官調人云凡殺人而義者不同國令勿讎讎

之則死所謂殺人而義者申汝憫之類也特鄭注有誤

其義不明也編見首今勿讎者令被殺之父母兄弟不以

為讎也既令勿讎則其不死可知然則聖上處分自

與周禮相合所謂前後聖其揆一也豈不盛哉

義氣之赦二老而奸幼鄰以醉殺根由奸淫實因被刺

谷山民金世輝殺尹澤廷○查官報狀曰尹澤廷之欲

奸幼女何預人事金世輝之乘醉刺殺誠可訝惑是乎乃

磨得未試之霜刃借問誰事之不平者自是古俠之習

氣今此世輝雖不可與論於古俠之倫醉氣蓬勃茫無

所泄忽記昨日不平之事魂浮氣湧脚輕手快如鬼如

人之間不覺信手刺去而澤廷則死矣想像當日之光景似不過如斯然而屍身之傷痕如彼明的元犯之戕害無辭自服則金世輝之償命無容更議案此亦所謂殺人而義者也處分亦必傳生而御判今軼不能備載

公松之判一

營裨討騎驛卒致斃
根由使氣實日被打

全州裨將閔毅徹殺朱星叔○檢案闕

判付曰此獄扶甲則乙為元犯扶乙則甲為元犯三朔三

查招案三變未聞有殺人之獄如彼其觀勢鍛鍊乎是如反

覆究理起眩互搜原初未究之獄徑設被告之人道伯推

官大是失著及其移送于完伯也

完伯即全羅監司

以似然不然

之案依條論理殆似瘧人之說夢

乙仍

飭令更覈期於無

疑而今案之不瞭反甚於前案所謂元犯西人之供弛則

發明速則遲晚本不足取信豈可謂公案所謂看證於萬

即至愚至賤不識東西之人前後辨辭不知其數豈可為

公證乎打屬誰某死辨人已

猶言自他

實因之著緊於何條

器仗之的在於藤鞭驛馬搜騎與否星叔隨行虛實不得

面稽而言聽只受承服之拷音乃以焚萬維慎之輸款曰

膳前啓一本還又上送道伯查官之事誠極駁然本曹亞

堂

謂叅判

屢按藩任似此獄理必不生疎別具意見論理

回啓仍下該道更令逐一盤問斯速究竟

曹啓道啓闕

判付曰此獄既具而忽搜似然而多疑實因姑舍者證難

信者證姑捨元犯莫執湖西初案未知十分覩實完營再

查徒增一層疑眩是如折眩者不死則足者不死手足傷

非速死之斷案此一可疑也下手與參覩於萬最緊而臨

時俯仰隨問變幻如桔槔之上下此二可疑也閔李兩囚

孰首孰從完營行查之時施周牢於於萬周牢者夾棍也

之間酷刑也炭於前錦伯之爰詞忠清監司就賊刑之下何求

不得不可謂公案此三可疑也然推其所以然之由參以

所必然之勢則手足傷雖不至於當下致命而手部被打
猶可以行步足背見傷骨酸節痛舉動不得況以餓乏之
人本無綿絮之著而顛仆廣漠之野度過如年之夜北風
積雪逼肥徹髓幸有鄰媪之覺救僅免道上之僵死然所以
斃者凍且餓也所以凍者足異手也按大明律當寒祛衣
服使之至死者厥罪與殺人同是如當寒打足使之顛仆
凍餒以至殊絕者何異於當寒祛衣乎執此以論根因優
有所歸而實因懸錄切禁億定則右項引喻之律亦果觀
當喻乙被打二字終涉不當此所以屢查不決者也至於
兩囚之所為勿論若李若閔原其心俱不過雪斗憤試磨

拳而止者其勢駸然打之猛而外之久釀成殺死之變

是置

若使殺徹打者何時不可而必在維慎相逢之際何

仗不可而必借維慎所執之鞭乎渠之牽夫渠自打之為
維慎者任之而已見之而已亦何必使渠陪牽遽牽殺徹
之馬乎維慎於此足為元犯若使維慎打者騎星叔劣馬
者殺徹也騎他馬追到者維慎也本騎者安坐而不怒戔
過者橫擔而越打者乎

此文上下
疑有闕文

自渠立證可信乎不可

信乎殺徹於此足為元犯今則道啓也曹讞也便沒新奇
欲斷此獄先定實目實目曰可疑也則將何據而償命
實目曰歸一也則兩桿之中何者為元犯乎哉曹即問

于左右相裨各指一的確回啓

臣議曰不見原案及道啓曹啓無以詳諦然犯手者殺
徹也借鞭者維慎也毋論誰某兩人皆裨將也法曰各
營偏裨用棍者繩以重律則笞杖蓋許之矣法曰各
軍官笞杖殺人者出於公事則酌輕重定罪邑軍官尚
然況於營裨乎但裨將所騎本係下乘討索上駿原是
犯法況非笞非杖乃以藤鞭自手亂打傷其肱而破其
附使之凍死於雪天之夜其罪誠因赦矣然其實同則
當曰飢凍不當曰被打實同既然自然傳生此聖意
之所以其難其慎也然其舉措既至於此則捫之撲之

蹴之躑之無所不至內損既重動彈不得故飢不得走
店而索飯凍不能望門而投溫以至僵卧路上耳若無
內損一足雖病一足猶行恐不至遂僵不動然檢案不
具未敢質言

公私之判二

地保催科村民致斃
根由公幹實因被打

光州風憲崔具瞻殺私奴禿同○檢案關

判付曰崔具瞻獄事段頭腦之傷痕昭著查案之詞證具
備上言中舊瘡之說原無來歷世中輩含撫之供又沒下
落到今獄情無容更議茅還穀分俵既係公幹風憲勸農
簿有等夷斗量之不均固可治也言語之不恭亦可責也

憤怒方生於頃刻思慮未周於前後覈答不暇提斗以打以舉措則駁悖以法典則違越而論其事理非出逞私究厥本心不過示警一撞旋止初豈志於必殺多般救療有足驗夫欲生器仗雖殊於用笞情實同歸於辱公面里任笞杖殺人之律庶可傍照且十年牢囚屢次拷訊亦云懲勵具瞻身已加刑一次減死邊遠定配

大明律決罰不如法條云

漸微

若監臨

有司管軍之官因公

事

主令下手者

於人虛怯去處非法毆打及親自以大杖或

金刃手足毆人至折傷以上者減凡鬪傷罪二等致死
者杖一百徒三年追埋葬銀一十兩其聽使下手之人

各減一等

若非公事以故勘平人論

若於人臂腿受刑去處依法決

打避逅致死及

決後

自盡者各勿論○舊註謂如有司

催徵錢糧鞠問公事提調造作監督工程之類及管軍

官操練軍馬演習武藝督軍征進修理城池之類然亦

不必拘定凡一切應行公務但情不涉私事非梯己者

皆是也○

臣謹按監臨者吾東之監官也管軍者吾東

之官軍也註云有司則風憲總正皆在中也今此崔具

瞻提斗殺人與律文別用大杖金刃者其情相同則杖

一百徒三年追理錢四十兩

銀四解

其本律觀察使若知

律文早引此條啓聞決歲久矣何至於十年牢囚屢次

拷訊乎士大夫不讀律其毒民如此項羽沛公之詩馬
吊江裨之戲如之何其不廢也

公私之判三

地保差殺逃卒受笞
根由公幹實因被打

寧遠風憲林海星殺金東春○檢案闕

判付曰簽丁公役也逃軍重罪也其子之簽丁即逃情係

可痛其父之代子受罪法所當然

分叱

指使十五歲童兒

略施十六度笞罰初未見欲殺之心設今日笞而死宜無

償命之文

是遣

又况兩檢杖所錄笞痕本非要害速死處

半夜脫身翌日致命觸冒死喘急死具未可曉年前道啓

引續大典面里任笞杖殺人條請以酌輕重定罪者儘有

所據

是如

當此審理之日合置惟輕之典海星身已放送

續大典濫刑條註云各邑鄉所軍官面里任等笞杖殺人者出於私意則斷之以法出於公事則覈其濫刑與否而酌輕重定罪色吏勿論公私一依平人相殺例處之○臣謹按林海星所犯引大明律則在勿論之科當時白放者也引續大典則不過酌其輕而薄其罰笞數十即放者也寧遠郡守不讀律平安監司不讀律檢狀不引律以請薄勘題辭不引律使即決放張皇錄啓經年閱歲而後莖引大典之文亦殊無真切愛人之心一啓而止遂又經年畢竟萬機之中勞煩聖慮而後

乃蒙恩放嗟乎八路諸獄其若是者何限士大夫不
讀律誠大弊也

公私之判四

地保徵布群毗投繯
根由公幹實因自縊

鳳山風憲金遇恭杖薛有信○查官報狀曰今此獄事

實因及詞證皆云自縊別無可疑

是乎

抵賴於軍布之

徵族叢憤於風憲之笞罰至於縊死可見海西之頑俗

是如

金遇恭任在風憲令嚴催科五度決笞自是職分

何知頑悍之性遽逞自裁之毒謹按大明律曰官吏公
使人非公務而威逼平民致死者杖一百而此是公使
人因公務致死也宜有分揀之道○評曰此獄若引大

明律則監臨官因公事依法決打臀腿而邂逅致死及
自盡者勿論上文見條其本條也不然續大典面里任因公
事笞杖殺人條見上條其旁照也威逼之條非所引也士
大夫全不讀律律文雖有本條當事不能引用類皆
如此

欽欽新書卷之四十四

汧水 丁鏞輯

祥刑追議 十二

彘倫之殘一

聽誘殺子証人手刺
根由奪田實因被刺

中和民李甘丁殺其子共元○檢案闕

判付曰白晝向刃情跡浪藉而在逃之廿二人俱不可謂
明證且其供招太無頭緒及夫面質之時六寸七寸之親
不敢右袒皆曰殺人者當死此一端最似可信夷攷肯綮
其說不過是沒把捉凡事無出常理對其父刺其子而為
其父者捨置垂死之子汲汲歸家不欲顧見此誠理會

不得處如無甚麼隱情必有別般奸狀朝家於此不欲索

言其起疑之端乙仍付之本道另行按查該道伯似已領

會微意及見查啓其說則懸空架虛其事則愈往愈晦道

伯事誠甚踈忽向欲發緘問借姑且置之是如到今諸道

獄案躬自看閱凡為幾十日矣既知其十分疑晦猶復任

置是豈審克之本意似此疑獄必須拔例究覈可得情實

分此大凡殺獄一番成獄之後道伯視若鬼錄推官認作

鐵券知其可反可生而或拘於顏私或厭於看閱不欲措

一辭於其間安在其重人命慎獄體之意也即令該道伯

親執詳覈窮極到底無泥舊無憚改從所見論理狀聞事

措辭行會

本道查啓缺

判付曰此獄之處元斲為正犯凡幾年矣天下之事不出
常理為父者目見其子之被刺於人而不即地反兵乃反
汲汲歸去者求之常理寧有是耶此等事情本非難曉
而檢官之意直以甘丁則其父也理無可疑處元則路人
也事或難明故偏主先入之見便定必死之案獄上之後
以其事關倫常不欲起疑於不當疑之地特令更查槩有
微意而查官之意又如檢官其所發問取招無甚鉤深摘
隱朝家不獲已起疑判下設置有司之意豈宜亶然哉今

則獄已具矣情已輸矣處元之寃始暴甘丁之始著以此
推之八路重獄之如此者將不知其幾寧不惻然自卿曹
將此判下行會諸道俾凡檢官查官各細體究無陷失八
失出之事為旆甘丁段跡其行亮殺之無惜續典一律若
為此因準備而方其未得情也猶恐其失刑及其既得情
也反惻其傷倫哀矜勿喜政指此也况其招云略欲示警
初無殺心者理亦似然乎是如特為減死嚴刑二次絕島定
配為旆處元段慈惠共元使之得罪於甘丁者處元也激
怒甘丁使之逞憤於共元者處元也計出奪田罪著由我
其在懲後之道不可以四年滯囚遽然白放今道臣酌量

勘放為旂方三十李望赤段俱以緊證敢為飾辭俾重
獄疑眩不可不嚴懲並嚴刑一次放送為旂殺獄體重既
反之後伊時檢官及道臣俱不可無警而拘於常見泥於
前案容非異事于乙仍姑免推究為去向後段更加著意
事一體嚴飭

臣議曰覆盆之冤四載不明隔靴之爬再查不悟陛下
明見萬里天威不遠咫尺終使隱隱盡發幽枉必伸嗚
呼其盛矣憶在刑曹先大王起疑於咸奉連之獄使
之看詳判書老於曹者也曰此獄鐵案正即老於曹者
也曰此獄鬼錄畢竟至冤大痛伸於其日由是觀之八

路之舍冤茹痛而死於獄中者多矣○甘丁殺子之罪
反小誣人之罪甚大刺子殞命雖出於邂逅引人誣賴
明屬於故犯○御判無所論此當時廷臣所宜提奏者
也先朝初年檢官誤決者多被嚴勘其後道臣刑官
謂殺獄反案必觸檢官欲活賊者反傷貴人輒隱匿不
發及至晚年雖大獄翻變而檢官不治此皆至仁大
德惻怛真切之驗也嗚呼其何以忘矣

彛倫之殘二

移怒殺孩誣人足踏
根由使氣實目被搥

黃州民李春世殺其女小連○查官報狀曰大凡發憤
他人自搥子女閭巷例習而今此李世春段逞憾則任

打兩箇醉漢生怯則反撲三歲女息取讀覆檢狀跋文
春世奮打揮擲之狀赤子塗腦宛轉之形情境依然令
人涕下證人手指撲處則春世怯眼環轉檢官面命永
訣則其母垂首無言真可謂善形容矣春世之終始推
諉不過曰扶八大奇之際為宅勲所踏是如是渠於大

奇既極意而毆打後何情而扶八扶八之說既是架虛
被踏之招自歸落空傷損詞證犁然沕合面質之際情
窮辭遁小連之為撲殺春世之為正犯斷然無疑此實
天下之極惡人倫之大變嚴刑取服施以當律○議
曰父母毆殺子女者杖一百而已故殺者杖六十徒一

年其用意免慘者稟旨乃決若春世者其故殺者乎
然杖之宜猛乃懲其惡○檢官面命未訣者檢官謂
春世之母曰汝子今將死矣汝其未訣蓋欲覘察其
氣色權為此說也然余旅寓縣城屢見殺獄凡情犯
亮慘而律文不死奸吏諱其本律嚇以必死以索重
賂畢竟免死則藉為己功蓋愚氓不知律例但知生
死出於吏手若檢官於此又從而嚇喝如此則吏於
中間舞弄益便凡遇如此之獄檢官宜對衆明說本律
不死使犯人釋慮雖其罪犯亮慘宜令焦灼而吏之
舞弄不可以不防若其罪惡宜以猛杖懲之

彞倫之殘三

室女潛奸胞兄晝刺
根由奸淫實因被刺

信川民金夢得殺其妹大兒○檢案闕

判付曰金夢得獄事

段

良家未笄之女忽遭強暴之污

或被黥黥之証則玷辱家門羞愧憤痛父母之逼死者有之
處子之自殞者有之而不服藥不投繯而手尺寸之刀一
刺再刺必死乃已如金女之烈者未之見焉此獄疑端不
一而足要之曰不可必信其自刺也又不可勒歸於被刺
也食氣嚔傷處深濶為五寸許起手執手顯有既割又割
之跡決非穉弱女子之所忍為此所以不可必信其自刺
也金女同室之人不過其父母兄弟也室女之潛奸鄰人

雖為父母之羞恥天顯之親白晝刺刃又是人情之所必
無此所以不可勒歸之被刺也今此金夢得之斷以為元
犯者特曰夢必及烏貴之一言而其言太不了了如所謂
一手執頭一手執鎌先割左又割右者類非八九歲稚蒙
之所目見而口傳者

分此

設令其言皆實鑿鑿可據一

則夢得之親弟一則夢得之從弟也以弟證兄在渠為傷
倫在法為違格殺人償命之法不但刑期無刑扶植風教
之意無行於其中一朝取招於不當招之兒以證其不當
證之案其傷微體而閑後弊果何如也前後本道查啓該
曹覆啓隱情違端毛舉無遺而所疑者細故也所惜者

大體也假使夢得直有可疑係歸防帶而已兄余中而

大體也假使夢得直有可疑係徧彷彿而已況除却西

兒之招元無一毫之疑

是如

方當審理之日朝家處分當

觀大體罪人之倖追其細失法典之違越其失大夢得良

放送以示朝家重獄體敦風化之意為旃仍自本曹行閱

該道凡於檢驗同推時無得法外取招事一體申明嚴飭

臣議曰取以弟證兄之招斷以兄殺弟之獄有害於風

教此處分之所以如此也然若使夢得之事不出於門

戶之公憤或由於閨房之私訐則聖斷豈止是乎室

女行淫賊流皆以為大恥淫妹擅殺愚民謬知為無罪

羞憤潛發於心地謬習久慣於耳聞倉卒之間行此

殘忍且其情有足原恕故 聖明於此不欲深明其事
實也大明律兄妹殺弟妹毆殺者杖一百徒三年故殺
者杖一百流二千里其父殺子用意亮慘者 國法令
稟旨乃決若夢得者故殺者也其所白放者所惡在淫
其情可原也

彛倫之殘四

嫁妹被遺胞兄推溺
根由羞淫實因被溺

蔚山民堅聖民殺其妹堅召史 初檢報狀曰今月初
一日本府內太和江津夫文順三進告云 矣身家在津
頭坐喫朝飯望見津口有一男一女男著黑笠女著白
衣不招艚工划艇自渡是如既過中流未及南岸那婦

人忽然投水這男子不相援救到岸藏船急急走了身矣

不勝驚駭急急來他船到彼跟追不知去處兩箇蹤跡未

由採問是乎船中遺落青布小袱裏錢三十文白苧布

五尺髭髮三條襦袷一事弊襪一隻並此現納是白

跋詞曰今此堅召史屍身落在水中其深七尺拯而出

之移置北岸審得渾身都無傷損爪甲沙泥明係淪死

皮肉純白肚腹微脹皆合法文是乎津夫望見亦有看

證乙仍實曰段以溺水致死懸錄為乎以郭臨澤李永

慎諸招觀之堅召史之平日悍毒決非誣語婦姑勃磳

夫妻反目不孝不恭終至被逐里人齊會至有論責如是

乎既見逐於夫家又不安於兄弟下去旋來既逐又還
彷徨道路窮無所歸則以其偏性忽地投水容或無恠
是乎三年同室既有和好之情本家遣婦殊非迫扼之
境則亦何知堅女之淪死必由於臨澤之疏薄乎最是
堅聖民者跡多可疑心又不測其妹晦日之行渠雖曰
不告而潛來追後躡蹤若有知幾是去遺棄赤子謂之
適然携來青袂稱以泛者專事漫漶莫測端緒是遣狂
氣之盛言惡行之彰說又何意思彥陽之說誠有是也
同房之即豈有不知之理設如其言不取由陸之直道
必從渡江之迂路者抑又何故不唆津夫獨挈江舟目

見其溺不慌不驚既不忙手而自援又不疾聲而請救
恬然下陸走而不顧斯豈兄妹之常情乎津夫急追而
不及兩女將執而被喝遂沒其蹤莫知去處天下其有
是乎若云兄妹相議任其自溺則青錢白苧髭髮衣襪
又何以携至艀中乎心判一縷之命身赴萬頃之波又
何餘戀携此財帛由是觀之堅女之死由於投溺而非
其自溺又明矣蓋此骨肉之殘必非朝夕之故兒時性
行已傷同氣之情孀後羞憤又緣失物之故而不容於
夫家還歸於本家則看作一室之憂患遂釀今日之變
恠中流四顧盡力一推而弱妹於是乎落水矣聖民雖

曰屍親以正化懸錄為乎行檢之日即行譏捕至初二

日未時量忽來自現其所為言專事粧饌或云家有老

父慮其移榻或云鄰里族黨無不勸送而至於投溺一

節抵賴不服歸之自溺平問之下決不輸款是乎覆檢

官段以彥陽縣監移文請來○按此乾隆庚戌四月二

日先考在蔚山府所檢報也究竟取服無文可知而其

為校溺無疑矣籍使堅女不孝其姑不順其夫孀而行

淫百惡具備家人不可擅殺雖在父母猶當有罪況以

兄而殺妹乎孀不守節本非死罪非死罪而殺之庸得

不抵乎郭臨澤即堅

日與論之殘五

彘倫之殘五

潘姑殺婦計在滅口
根由奸淫實因被刺

平山府崔阿只殺其婦朴召史初檢跋詞曰朴召史

屍體既已埋葬有難掘檢是乎屍親所供既曰結頂刺

項仍即暗埋其在重獄體之道不可不掘檢乙仍依例

行檢為有大抵被縊自縊被刺自刺尤宜十分審慎而

今此朴女縊而又刺設心莫測掩埋日久屍形難憑此分

不元告無執贓之物詞證無的見之招多般鉤覈無以

決折是如喉骨上二處刀痕長廣淺深或為一二分或

為三四分且是骨堅之處則初試鈍刀不能立透是乎

至於食氣嚥刀傷處肉內虛軟刺之必死是如一刺其

項固非常人之所可為則自刺之至再至三誠不近理
然以平日偏窄之性受其姑侵逼之虐無寧自戕于其
命誓不復八于姑手恒日蓄積斷意自裁的然無疑乎
所謂之被殺則支體無見縛之跡手掌無迎刃之痕是遣
且以縊痕言之所謂架子高不過八尺不能為踏物挂
下之地況廣布柔緩既異索子之堅硬雙膝之跪坐又
非縣空之危急則未死不死愈加狼毒轉出一不造二
不休之計勃然翻然之間一刺再刺竟至自裁是遣右
手軟眼合等症與無冤錄自刎條昭等以實曰段以自
刎致死懸錄為乎崔女段以士族寡婦行事不義人

言浪藉為其婦者必無以盡誠善事而不思自反反懷
愠憾日加迫隘朴女之常懷怨毒露出辭色亦非一端
怒罵之說既加於其父憤慨之色不掩於其姑畢竟自
殺而後已則崔女雖不勒刺逼死之律焉敢追也李次
望段雖有往來元無真賊之可執姑為嚴囚以待處分

初檢官平山府使鄭景曾

○評曰剗刃摠有三穴其一深一二分其

一深三四分其一虛陷不能分寸凡自刺其喉者皆一
刺而止耳有再刺乎將曰初刺極淺再刺稍深三刺而
乃透裡乎一二分之還拔三四分之再刺猶之可也三
四分之既八又拔又刺必無是理此田光聶政之所不

能辨而謂弱女子為之乎始論自刺難再之理漸之曰
誠不近理繼論偏性難化之理反之曰灼然無疑彼理
此理本非二類自刺之難再者凡血氣之類莫不自愛
其身故既割既痛不能再割也怨毒之或深或淺悲苦
之或緩或急不足以破此自然之理又安得以偏性難
化之說強謂之灼然無疑乎臂不見縛手不迎刃明有
協助之人不此之疑而疑其自刺何也傷痕合於自刺
則二者為自刺之證傷痕違於自刺則二者為協助之
證惜乎其不細究也○又曰刺項二字不能成文項
在合面何以刺矣頸則前後之通名故玉藻云頭頸

必中考工記云參分去一以為頸圖皆以全莖言之也
丁氏韻書謂頸在前項在後此以刎頸而云然然說文
云頸頭莖也則前後之通名也故屍帳圖格後曰項頸
前曰領頰

覆檢跋辭曰屍親發告既經多日中間埋葬尤添變動
屢次洗拭多時薰罨是乎遍體朽爛行檢極難是如縊

而又刺諸招丁寧而遍考頸項不見縊痕或者縊未緊
束死不由是故其痕未著喻是乎喉骨上二處傷痕俱不

深重食氣噪一處刀痕既長且深是乎食氣要害一刺
可死則一孔二穴殊甚可恠乙仍以中結項而緩不及

死而刺喉骨而刀鈍不及於是乎擇其虛處一刺遂計
其設施次第明白可想若謂被刺於人則四肢無受縛
之跡而手無觸刃之痕豈不異哉今以法文觀之上中
下深淺之各異起收手左右之不同與無冤錄自刎條
節節脗合實同段以自刎致死懸錄是在朴女以若青
年辨此白刃是豈姑婦間尋常不相得之所由哉必其
心有羞愧憤寃生不如死以至是也朴長赫吾女累德
之說趙宗傑二次回錄之招有可以想像乎是如草屋備
需之日失火甚易村中別入之家焚屋何関而東西捏
合轉成邪說鄉村多口固已可痛除非苛姑之口豈八

新婦之耳以此損生明若觀火想其情境絕可矜惻但

為其父者不能善後恐嚇非理之呈狀勒受無倫之手

記由淺入深三變其說直驅崔女於移易不得之淫行

而殊不知以子證母不得為公案是乎兩婢之說係是

以奴證主不宜究問是乎既云目睹循例一問乃以初

檢時誣告之意無端自服是乎全沒省覺蠢蠢如蟲前

之陳告今之變辭皆無足取信是如大抵崔女聽言觀

顏頰不平順若使為姑定難作婦然朴女于歸只是九

旬而中間六旬染疾別處通計前後不過為三十日姑

婦常時咎責雖甚苛酷其間喫苦矣至決死提鄉村不

倫之說殺家中無罪之婦論其情跡殊為絕痛處以逼

死之律誠不為過

覆檢官白川郡守李端會

○評曰揀選去就曰擇

揣摩商量曰計籌劃排布曰設施嗟乎袖抽白刃自刺

其喉者其暇擇乎其暇計乎其暇設施乎其暇刺其喉深

至四分者能有精神更擇虛處以遂其計以還其設施

乎議獄如此亦冤矣○無冤補註云自傷刀痕只應一

傷受傷之後不能復割如此明文何不引用而謬執不

當之文漫漶遮掩可乎左右手起收手精微無錯之文

也與此屍相合有是理乎誣之甚矣○以子證母之不

得為公案者謂夫昭脫之案不可以子而證母也今此

趙匡善之手記乃是構成之案以子證母但當斥之曰傷倫悖理不宜斥之曰不為公案

巡營題辭曰自縊自刺比比有之而今此朴女之屍縊

刺俱無人已難分屢閱兩檢之案只增三思之感是乎

四刺刀痕兩案相符其死之不由於縊明白無疑是遣

起收手刀痕又與法文之自刎條脗合則成獄一款非

所可論是乎第此朴女雖是偏性于歸數月既云琴瑟

之不睦姑婦相依又無簫鼓之甚間有生世之樂無可

死之意其所以縊而且刺必死乃已誠莫曉也以婢證

主以子證母俱非法意除良前後相左之供辭不足取

信迫脅所受之手記亦非可論是乎趙宗傑則以子證

母之文初既干涉而處失火之說終又傳播外面歸之

於浮說其實欲以為累德以此推之叔侄之間必當傳

說既八崔女之耳雖不斥言於其婦豈無辭色於發怒

乎初來之婦羞顏未開陋言難洗寧欲無叱決意自裁

即理勢之所必然同趙宗傑嚴刑一次覈問為旆屍親

朴長赫段如欲雪冤何不即告顧乃脅迫為事謂不告

官勒徵手記口呼子證母之醜說要作姑殺婦之證案

觀其所為亦極無狀嚴刑一次鉤問為乎趙匡善者又

以死賢於生等說作證於手記之後可謂此獄之緊干亦

取招牒報為旆崔女段累意之說不亦素言段意之變

取招牒報為旂崔女段累德之說不必索言殺越之變

莫測緣由咎實在渠烏得免逼殺之律嚴刑一次取招

牒報為旂李次望段身帶衰麻不謹行已至登於西婢

之供亦不可置而勿論決杖三十度叅酌放送黃海道

洪秉續○評曰所謂手記者朴長赫給趙匡善曰汝母既

殺我女証以自刎其意將告官也汝作手記曰今此亡

妻吾母殺之我勿告官以為信也匡善蒙駭無識依其

口呼成此手記此所謂手記事也匡善雖蒙駭無識若

使其妻不死於其母之手則必不肯成此手記以子證

母法雖有禁執緒論端理所不拘傷處之再刺三刺既

一疑案手記之隨呼隨寫又一疑案執此兩疑以究其
根何所不可而必朴長赫嚴刑乎其誤大矣

本道查啓曰臣於到界之日平山幼學朴龍海以其妹
被人殺死未得成獄極為冤痛首來呈訴是白乎臣不

勝驚慘許以查處

為白遣

詳按初覆檢狀密探道路行言

左右思量反覆深究而致命之殘酷獄情之疑晦前所

未聞

是白如手

若謂自刎則既結其項一刎二刎至於三四

決非弱質女子所可辦

分叱不喻

無冤錄自刎死條註云喉

下自傷刀痕只應一傷受傷之後不能復割若如此文
則傷痕三四處者不可歸之於自刎是遣若謂被刺則

家中只有其夫與繼母而已朴女于歸未過數月夫妻

未及及目姑婦亦無翻唇以夫殺妻以姑殺婦俱是理

外各人供招專思漫漶無一指的是白崔女家內外親

族之常時往來者何限而其婢四丹乃以非親非族之

李次望指目為說常與崔女對面酬酢渠既目覩有

此口招則足為此獄之端緒而覆檢時旋即變詞以致

疑亂是白崔女將到桑葉思用桑刀固宜自索之不暇

遣是白且其婦房只隔一間何不呼其婦而問之必招在

外有事之直善以索其刀乎索之不於他處直云此刀

疑在汝房又何意乎其他疑端非止一再而初覆檢時

全不審覈直以右手軟眼合五字引無冤錄自刎條謂

之脰合斷其實曰

是白手矣

無冤錄卧所被刺條有曰凡人平

日習用右手卧者不順則刀尖必向下傷及右肩窩若

以檢狀中鉗刀之皆向右邊照着此條則其為卧所被

刺十分無疑方欲執此窮覈

是白尼

今日朴龍海擊錚

訟冤○判付內有令道臣親執嚴查之命

臣

欽遵

聖旨

干連諸人一併捉囚

臣

營獄

臣

與別定查官眼同推覈

為白

四丹之招云朴女見李次望之往來以恠惡等

說與渠酬酢

是如

規初檢所供尤有詳焉

是白

崔女產

兒之說屢八廉探故試以發問則趙匡辰四丹之招如

出一口是白朴女致死之日崔女忽著新衣故直辰心

甚訝之察見舊衣則血痕浪藉而崔女力奪猶恐或見

是如為白及其面質崔女節節語屈但曰汝欲殺我則

崔女之行亮情節不待取服明若觀火是白竊伏念崔

女以其子幼恣意行淫是如交奸之跡現露於新婦滅

口之心恒蓄于中情當日新婦偶回頭疼擁衾昏卧乃

此淫婦乘時突八手刃一刺已絕其氣嚔猶慮其不殁

又亂刺而倉卒之間敢生掩跡之計扶其屍而跪之係

其頸而懸之有若自縊自刺者然想其光景毛骨皆竦

是白檢狀又以手無迎刃之痕把作自刎之案而無冤

錄校人殺死條曰要害處一刀即致命者死人手上無傷蓋其亮刃既行氣嗓先絕則手無迎刃之痕固其勢也新衣忽更血痕浪藉則屍體扶起之際所自濺也且其縊痕載於初檢不載於覆檢若是生前之縊則膚雖已腐痕固不減是白今此縊痕始顯而終滅者死後被縊血脉之不行也正犯段以崔女懸錄為乎李次望段行亮之時同力與否姑未執贓而崔女之亮出於奸淫奸淫之本在於次望則渠雖抵賴干犯之律烏得免乎上項崔女李次望等同推究問期於得情是白朴龍海原情以為初覆檢官與趙家或有連姻之義或有同研之

情以致獄情之變幻是如為白如乎該府使之弟妻果是趙家

之遠族則執以為言不是異事是白遣所謂同研事段長

赫之招只稱傳聞不是目覩則其言有難憑信是白乎矣大

凡按獄之體不容一毫疎忽是白去乙初檢官平山前府使

鄭景曾段當時檢驗只憑趙家之說實因之全然失察

既有誤決之罪屍帳之不給屍親顯有掩護之情是白遣

覆檢官白川郡守李端會段捏合初檢自歸苟同一任

四丹之變招不覈次望之奸情是白如乎到今詞證既明獄

案已反則兩檢官之初不成獄揆以法意誠極無狀其

罪狀令該曹稟處是白乎旅兩檢刑吏段自臣營嚴刑照律

是白

趙匡善崔女之子也趙宗傑崔女之侄子也以子

證母有違法例並不盤問

是白

四丹

段

雖有證主之嫌

此獄緊證專在四丹不得已取招為白崔阿只李次望

並枷囚臣營餘外干連諸人亦並拘囚以待處分

黃海道觀

察使嚴思晚時令中軍尹在復行查取招而施以周牢之制

○評曰叙事詳覈但非

檢狀乃云正犯

段

以崔女懸錄小誤

當云崔女之為正犯無疑

又曰

疑有奸夫遂執次望疑與同功又擬次望誠以四丹之

招能為障戶之節三年之縲疑於拂牆之花重雲疊而

遮護周密雖有明者亦難乎其捨之矣况彼趙匡辰者

恃膽斗大頑顏鐵厚忘天地鬼神之昭布使陰陽闔

關之手段乃云崔女之衣血點浪藉天然對立為仇敵
超然自拔其性命雖有明者亦難乎其執之矣獄情到
此孰不謂之十分無疑非有大聖人在上其誰能回
日月於覆盆落風霆於幽巖以止暴次望之冤擊匡辰
之奸哉詩云如切如磋此之謂矣又曰再刺三刺血
如湧泉又誰能扶而起之跪而縊之以作縊死之形哉
然且刀痕不滅縊之無用其云先刺而後縊者誣也先
縊之縊之不死有聲焉於是乎刺之也

暗行御史書啓曰臣於辭出後取考初覆檢文案及本
營會查時諸招反覆參互則崔女及李次望之終始抵

賴固其勢也。獨恠夫趙匡辰以崔女近親，不惟不思掩諱，乃反暴揚之。初則隱映閃忽，末乃挺身立證，揆以常理，殊不近似。此獄肯綮似屬於匡辰。乙仍各人取招時，先以閑漫情節雜問他因。諸招各有湊泊，本情漸至闡現。始乃發問，自取招或令與各人面質，或令於匡辰所見處各人互相面質。及到情窮語道，始加刑訊，而以其士族之故，奸淫一款猶不忍污口，只以致死時節次由淺入深，逐條究詰。刑至七度，忽然直招。是白如平所當準次嚴訊到底，窮覈而重獄反案，有難凌遽即地傳刑草草撤查，潛行坊曲，詳探物議，萬口一談，皆云匡辰之罪殺。

無惜一府上下殆無異辭

乙仍

更集查官依前會推

白是

如奸淫之年月刺繒之節次一一承款又向崔女曰國

法至嚴吾既直告汝亦直招即此而其交奸之跡行兇之節無一毫餘蘊矣以法論之一人致命宜無兩償而

此獄

段

淫婦淫男共殺人命造謀加功本無差殊

不分喻

崔女

段

淫悍之性何所不為而白晝殺人恐非女子之

所敢生心

是白

匡辰身著喪笠昏夜往來屢被新婦之

瞧見遂與淫姑而糾合縛而繒之刺而又刺則斷以元

犯恐無可起內而威脅奴婢外而締結猾校必使之

挽引喪人以掩其跡者節節陰慘首惡之誅捨此其

誰李次聖之初檢面質招云汝見一家之喪人誤認為

我者業已致疑於直辰而牢囚三年不敢顯言足見自

來武斷莫敢誰何是白大抵此獄始既誤決中又橫羅

要之營邑均有所失道臣體重雖不敢直請勘斷前前

道臣段偏信檢官之言歸之自戕未免失實而屍親加

罪尤是意外是白前道臣段獄案雖成下落不明分喻

治獄治盜刑具各異乃於殺獄取招輕施周牢之刑大

違格例且關後獎其時本營中軍不可不重勘為白檢

官段以被刺為自刺大段舛謬分喻檢狀體重凡係罪

人之所供無論緊慢一依其言詳錄無遺乃是法例

而今此初覆檢狀中罪人之所不言有混錄者罪人之
所明言有闕漏者囚供添刪有乖獄體一併重勘恐不
可已是白罪人崔阿只趙直辰並具格嚴囚趙鳳元將
校也四丹並依前枷囚李次望段置一體具格嚴囚以
待處分

刑曹啓曰朴女之被縊被刺繡衣之啓詳備無餘今無
可疑蓋此崔女以士族寡婦忍意行淫是可白幾微將露

於新婦亮計欲售於滅口有此白晝戕害之變而既縊

又刺決非一女之獨辦則交淫合謀自有其人是白如

李次望段渠之自明雖難取信詞證諸招終無執贓今

於特教更查之下始也脉絡微現終焉傀儡自露昔之
交囑者今始發告前之立證者今為斷案於是趙匡辰
亦知其百喙難解一死莫逃遂不得不直陳於七度訊
杖之下不但天誘其衷抑亦理有可見自此朴女之冤
可雪次望之罹可脫惟彼崔女雖忍杖抵賴極其巧惡
何以活矣匡辰之言曰吾輩之事今已綻露生亦何為汝
亦直招崔女之言曰元無是事若曰刺之汝必先刺即
此以究亦足打破其奸情是白如平若曰之若字雖有假說
之意先刺之先字難免同犯之跡且爭其先後欲避行
兇之首犯而元無是事不過發明之例語即此對質之

招己是輸款之供又安得一向頑拒乎腹高鮮產之說
幾於諸招崔女雖或隱諱匡辰必不終秘況至親奸淫
大関倫紀只此一節極意嚴覈是白律云造謀者斬加
功者絞而設計滅口者崔女也合力行兇者匡辰也造
謀加功政是準備之律罪人崔阿只處速取直招與匡
辰具格 啓聞之意分付道臣何如按繡啓欲以匡辰
為造謀之首而曹啓却以崔女為設計之主然則崔女
斬而匡辰絞矣繡啓之外無他憑據而本曹據搜首
從恐於審擬之法有所不合也

刑曹啓曰此係倫紀大變不是尋常殺獄繡啓雖以一

人致命而人償命為設疑之端實亦不然大明律謀殺
人條曰造意者斬加功者絞此獄之造意者崔女也加
功者匡辰也大典奸犯條曰士族奸總麻以上親妻者
不待時絞又曰士族婦女恣行淫慾瀆亂風教者並奸
夫絞崔女之於匡辰為小功親妻而亦與氓隸有異則
以此以彼烏得免斬絞之律乎第有一二未盡者方其
合力戕殺既先縊之則縊之不力而從而亂刺果何故
也這箇委折亦合查問是白懷孕解產等說爛熳於匡
辰之招則畢竟下落崔女雖欲隱諱匡辰豈不直告此
一款到底覈出然後始可收結並加嚴刑期於取服

議曰曹啓二道堅以崔女為首而擬斬乃以匡辰為從而擬絞此恐有差擬以淫罪則總麻以上奸淫者絞士族婦女奸淫者絞其犯絞律崔與辰同矣擬以殺罪則最初生心者匡辰也首先犯手者匡辰也白晝強殺非女子之所意芒刃直刺非女子之所能造謀者斬則匡辰可斬也加功者絞則崔女宜絞也繡啓所論似合法意不知何故而改之也

判付曰平山之獄即大疑案三載于茲尚遲一決蓋其姑婦也而裁極之士族也而奸騙之謀至慘矣事至醜矣傷倫敗俗未有甚于此者朝家於此重加致慎覈之又覈不

嫌煩復道查曹讞閱實屢笑而率不免隔靴爬痒及見

繡衣查本始驗難証者天理

是如

崔女姑也朴女婦也

崔女慣於耽淫朴女作其眼釘滅口一念已在于歸之

初畢竟結果乃出同惡之濟

于仍

大抵縊刺一款當別

人已而謂由己焉則非崔弱女子所能遣謂人焉則

時丁白晝夫也在庭姑雖欲逞婦豈肯受當其刺縊之

時口若無叫呼之聲手必有遮截之傷而並不見明證

分喻

刺痕淺深多至於四處尚可曰一刀致命乎縊痕堅紫已現

於初檢又可曰死後勒縊乎欲得縊刺根同先辨淫奸虛實

而次望名字微發於檢括牢定於道啓門內相見半夜潛出

是如四母女一詞納招此似為次望之斷案而懷孕也墮胎也引而不發便沒歸趣以此不具之獄摸擦斷定徑議一律大有幸於審克之道孔仍特令近臣往裁閱覆惟願之稽惟言之聽惟輿論之搏采今也一反前案罪人斯得向來許多情偽都是潦水歸壑崔女鶉奔之跡自縊次望鴻羅之冤可雪而奸夫之目歸於匡辰矣既縛而又縊既縊而乃刺則手不運足不動遮截非可論也夫出而借鞍婢往而挑菜則家無人鄰無證叫號伊誰聞之匡辰移禍次望負屈覓來類己之人要售代某之計累然縲絏把作優孟之服冤哉縲絏遂為紀信之纍一轉而囑四母再

轉而囑鳳元白地做出暗中竊笑殊不知乾道昭昭神目如電一家喪人之說鬼假次望之口七次刑訊之下天誘匡辰之衷同庭對質崔女語屈是所謂一朝豁然貫通而無情者不得盡其辭者也本曹回啓中二端起疑未知其然縊與刃雖同縊遲而刃速淫婦心慌奸夫手忙難失者時易露者機借鞍者將還挑菜者將至恐恐然眈眈然惟懼了當之不速既縊之又刺之何足疑乎詐覓剗桑之刀要掩跡也更著在筭之衣欲藏痕也苟欲掩藏豈不以速死為快乎懷孕墮胎在次望固可覈在匡辰無可疑妖婢之誣告猾校之誣引罔非匡辰所脅囑則懷孕不懷孕墮

胎不墮胎不足輕重於匡辰何憂於沒下落乎繡斧綬

返鐵案已成只宜分首從以其律處斷崔女身乙良嚴飭平

山府另加刑訊亟取遲晚

為有矣

待其遲晚與匡辰一體取結

案以聞

為旂

奸婢四丹廉校趙鳳元並嚴刑遠配為旂

被告人李次望即先放送

為旂

當初誤決蓋因兩檢之失當

而屢親母子之與尸請檢出於骨肉之至情則縱不能察

冤而反獄忽地加刑是誠理外其亂俗壞法之罪不可

以事在既往有所曲貸前監司洪秉績削職發奸而雪冤

足可尚也無罪而橫罹胡不察矣已不免昏錯治殺獄而

施盜刑又是違法之大者前監司嚴思晚罷職據理爭執

固難責備昧然聽施有闕後弊當該中軍尹在復亦罷職
或極意掩覆歸之自裁或專事蹈襲漫不致省云有姻婭
之誼亦有所慚之好雖無執跡焉追重罪初檢官鄭景曾
覆檢官李端會並施刊削之典為旂卿段置道伯之只請
問備難免擬律不審之失推考為良如教

臣議曰此獄始為自戕中變為被殺而奸淫之案遂若昭
著外而道臣內而刑官皆滿志快意不復有纖毫疑慮
惟是節障終翳 睿照遐燭幾遣繡衣以既厥事苟不
然者李次望其不免為獄中之鬼嗟乎豈不冤哉故獄不
可輕斷斷不可徑喜也凜乎其危矣 趙匡辰烝于族

毋使犯死罪殺人一也產其私孩收而埋之殺人二也手刃行亮以賊幼婦殺人三也誣捏次墮陷于死地殺人四也此而不斬國實無法曹讞有誤終使此賊降在次律是或為法家之所議惜哉

彘倫之殘六

官婢殺夫罪異結髮根由奸淫實目被刺

金川官婢從丹殺玄得秋 查官報狀曰玄得秋被刺

之痕自右腿外邊透過內邊而致命於辜限之內正犯

從丹亦云拔得秋之佩刀擬欲自刎而不知不覺刀入

得秋之脚

是如無辭自服事係綱常無容更議

是乎三

省之獄事體重大從丹自是無識公賤屢更其夫至於

定屬忍難以一時牽居遽斷以弑夫之律

是齊

○議曰

官婢行淫朝張暮李雖不可與委禽結髮者比而同之若目下同居曰夫曰婦則不得不以弑夫論也繼父亦有同居不同居之別況於夫婦乎然革邑降號容有異議也

22

